


柳田文庫
文庫11
D 297
8



文庫11
D 297
8

遼史卷九十一

元中書右丞相總裁托克托等修

列傳第二十二

耶律罕巴

耶律唐古

蕭珠展 藥師努

耶律玦

耶律布勒圖

耶律罕巴

原作

字嘲隱北院詳袞

原作

古之五世孫

儻有大志太平中游京師寓行宮側惟囊衣匹馬而已

帝微服出獵見而問之曰汝為何人罕巴 原作初不識

漫應曰我北院部人罕巴 原作來覓官耳帝與語知有

長才陰識之會北院奏南京疑獄久不決帝召罕巴 原作

韓 原作馳驛審錄舉朝皆驚罕巴 原作量情處理人無冤者

上嘉之籍羣牧馬關其二同事者考尋不已罕巴 原作



遼史卷九十一 列傳二十一

010190566710

略不加詰卽先馳奏帝益信任景福元年爲左伊勒希
巴 原作夷 徙北面林牙眷遇優異重熙六年改北院大
王政務寬仁復爲左伊勒希巴 原作夷 十二年再爲北
院大王入朝帝從容謂曰卿守邊任重當實府庫振貧
乏以報朕旣受詔愈竭忠謹知無不言便益爲多卒年
五十五上聞悼惜死之日篋無舊蓄櫛無新衣遣使弔
祭給葬具罕巴 原作 平居不屑細務喜愠不形嘗失所
乘馬家僮以同色者代之數月不覺
耶律唐古字敵隱裕 原作 烏哲 原作 之庶子廉謹善
屬文統和二十四年述烏哲 原作 安民治盜之法以進
補小將軍遷西南面巡檢歷壕州刺史唐古部詳袞 原作
詳 嚴立科條禁姦民鬻馬於宋夏界因陳弭私販安邊
境之要太后嘉之詔邊境遵行著爲令朝議欲廣西南

封域黑山之西綿亘數千里唐古言戍壘太遠卒有警
急赴援不及非良策也從之西蕃來侵詔議守禦計命
唐古勸督耕稼以給西軍田于臚胸河側是歲大熟明
年移屯鎮州凡十四稔積粟數十萬斛斗米數錢重熙
間改烏延 原作 党項部節度使先是築哈屯 原作 城以
鎮西域諸部縱民畜牧反招寇掠重熙四年上疏曰自
建哈屯 原作 城已來西蕃數爲邊患每煩遠戍歲月旣
久國力耗竭不若復守故疆省罷戍役不報是年致仕
乞勒其父烏哲 原作 功於石帝命耶律庶成製文勒石
上京崇孝寺卒年七十八
蕭珠展 原作 字實倫 原作 石 孝穆帝噶濟 原作 之子以
戚屬加監門衛上將軍重熙十三年將衛兵討李元昊
有功遷興聖宮使富珠哩 原作 部長托多羅 原作 陶

叛珠展原作木哲為統軍都監從都統耶律義先擊之擒托
 多羅原作得里珠展原作木哲與義先不協誣義先罪免官稍
 遷西南面招討都監坐事下獄以太后言杖而釋之清
 寧初為國舅詳袞原作詳穩西北路招討使私取官粟三百
 斛及代留畜產令主者鬻之以償後族弟呼都克原作胡觀
 到部發其事帝怒決以大杖免官尋起為昭德軍節度
 使徵為北院宣徽使九年上以珠展原作木哲先為招討威
 行諸部復為西北路招討使訓士卒增器械省追呼嚴
 號令人不敢犯邊境晏然十年入朝封柳城郡王咸雍
 二年拜北府宰相為北院樞密使耶律伊遜原作乙辛所忌
 誣珠展原作木哲與護衛蕭和克原作忽古等謀害伊遜原作乙辛詔
 獄無狀罷相出鎮順義軍卒追王晉宋梁三國姪藥師
 努原作藥師奴

藥師努原作藥師奴幼穎悟謹禮法補祗候郎君太康中為
 興聖宮使累遷同知殿前點檢司事上嘉其宿衛嚴肅
 遷右伊勒希巴原作商畢夏王李乾順為宋所攻求解帝
 命藥師努原作藥師奴持節使宋請罷兵通好宋從之拜南
 面林牙改漢人行宮副部署乾統初出為安宋軍節度
 使卒

耶律玦字烏展原作吾展約尼原作遙輦森濟汗原作質可汗之後重
 熙初召修國史補符寶郎累遷知北院副部署事入見
 太后后顧左右曰先皇謂玦必為偉人果然除樞密副
 使出為西南面招討都監歷同簽南京留守事南面林
 牙皇弟秦國王為遼興軍節度使以玦同知使事多所
 匡正十年復為樞密副使咸雍初兼北院副部署及秦
 國王為西京留守請玦為佐從之歲中獄空者三召為

孟父房常袞原作玦不喜貨殖帝知其貧賜官戶十嘗謂宰相曰契丹忠正無如玦者漢人則劉伸而已然熟察之玦優於伸先是西北諸部久不能平上遣玦問狀執弛慢者痛繩之以酒疾卒

耶律布勒圖原作僕字燕隱六院林牙圖魯卜原作突呂不也

四世孫開泰間為本班郎君有捕盜功樞密使蕭朴薦之遷率府率太平中同知南院宣徽事累遷彰聖軍節度使重熙十六年知興中府以獄空聞十八年伐夏攝西南面招討使十九年夏人侵金肅軍敗之斬首萬餘級加右武衛上將軍時近邊羣牧數被寇掠遷倒場嶺都監以治之桴鼓不鳴二十年知金肅軍事宰相趙惟節總領邊城橋道芻粟請貳帝命布勒圖原作僕副之以稱職聞清寧初歷長寧匡義二軍節度使致仕咸雍

間卒子阿古質終倒場嶺都監

論曰罕巴原作因帝微行才始見售及任以事落落知

大體不負上之知矣唐古珠展原作經略西北邊勸農

積粟訓練士卒敵人不敢犯玦以忠直見稱於上布勒

圖原作僕以幹敏為宰相佐在鎮俱以獄空聞之數人

者豈特甲冑之士亦李牧程不識之亞歟

遼史卷九十一

德陽劉子雄校字
成都方守道覆校

遼史卷九十二

元中書右丞相總裁托克托等修

列傳第二十二

蕭道拉

蕭布達

耶律浩善

耶律古雲

耶律圖丹

蕭罕嘉努

蕭烏頁

蕭道拉

原作奪刺

字綏蘭

原作接懶

約尼

原作遙輦

溫汗

原作可汗

宮人

祖尼嚕古

原作魯古

北院樞密副使

父薩滿

原作撒抹

字和爾

沁

原作胡獨堇

重熙初補

祇候郎君

累遷北面

林牙

十九年

從耶律伊遜

原作乙辛

蕭博諾

原作蒲奴

伐夏至

蕭惠敗績之地

獲偵候者知人烟聚落多國人陷沒而不能還者盡俘

以歸拜大父常袞

原作敬穩

知山北道邊境事

清寧初

歷西

南面西北路招討使加同中書門下平章事卒道拉原
刺體貌豐偉騎射絕人由祇候郎君升漢人行宮副部
署後為烏爾古原烏古德呼原統軍使克敵有功加龍
虎衛上將軍授西北路招討使因陳北邊利害請以本
路諸部與倒塌嶺統軍司連兵屯戍再表不納改東北
路統軍使乾統元年以久練邊事復為西北路招討使
北準布原阻卜額特格爾原率鄰部來侵道拉原
逆擊追奔數十里二年乘額特格爾原無備以輕
騎襲之獲馬萬五千匹牛羊稱是先是有詔方面無事
招討副都統都監內一員入覲是時同僚皆闕道拉原
刺奪以軍事付幕吏而朝坐是免官改西京留守復為東
北路統軍卒於官
蕭布達原字彈隱統和初為南院承旨開泰六年出

為烏爾古原烏古部節度使七年德呼原部叛討平之
徙烏爾古原烏古德呼原部都監遣德呼原騎卒取
北準布原阻卜名馬以獻賜詔褒獎重熙初改烏爾古原
烏德呼原部都詳袞原詳穩討諸蕃有功布達原普達原深
練邊事能以悅使人有所俘獲悉散麾下田是大得眾
心愿西南面招討使党項叛入西夏布達原普達原討之中
流矢歿於陣帝聞惜之賻贈加厚
耶律浩善原字托紐原北院額爾奇木原夷巴
古濟原之後祖徹珍原北院大王父和克原忽古
黃皮室詳袞原詳穩浩善原初為西南巡邊官以廉潔
稱累遷南京統軍使尋為北院大王重熙十一年党項
部人多叛入西夏浩善原受詔巡西邊沿河要地多
建城堡以鎮之徙東京留守十三年與知府蕭烏魯斯

原作歐 討博羅滿達勒原作蒲部有功加兼侍中致仕

耶律古雲原作古昱字穆喇齊原作魯堇北院林牙圖魯卜原作

不突呂四世孫有膂力工馳射開秦間為烏爾古原作烏古德

呼原作敵烈部都監會部人叛從樞密使耶律世良討平之

以功詔鎮撫西北部教以種樹畜牧不數年民多富實

中京盜起命古雲原作古昱為巡邏使悉檢之上親征渤海

將黃皮室軍有破敵功累遷御史中丞尋授開遠軍節

度使徙鎮歸德二十一年改天成軍節度使卒於官年

七十贈同中書門下平章事二子伊遜原作宜新鄂摩原作兀沒

伊遜原作宜新重熙閒從蕭惠討西夏惠敗績伊遜原作宜新一

軍獨全拜北院大王鄂摩原作兀沒太康三年為漢人行宮

副部署伊遜原作乙辛誣害太子詞連鄂摩原作兀沒帝釋之是

秋伊遜原作乙辛復奏與蕭揚結原作揚九私議宮壺事被害乾

統間贈同中書門下平章事

耶律圖丹原作獨顯字和爾沁原作獨堇胡太師古雲原作古昱之子

重熙初為左護衛將禁兵從伐夏有功授十二行紘司

徒再舉伐夏圖丹原作獨顯括山西諸郡馬還遷伊喇原作拽刺

詳袞原作詳穩西南未平命圖丹原作獨顯同知金肅軍事夏人

來侵擊敗之進納喇原作涅刺阿爾威原作奧魂部節度使清寧

元年召為皇太后左護衛太保四年改寧遠軍節度使

東路饑奏振之歷五國烏爾古原作烏古部遼興軍三鎮節

度使四捷軍詳袞原作詳穩太康元年卒追贈同中書門下

平章事子阿蘇原作阿思有傳

蕭罕嘉努原作家奴國舅之族性端簡謹愿動循禮法清

寧中為護衛太保太康二年遷知北院樞密副使三年

經畫西南邊天池舊塹立堡砦正疆界刻石而還為漢
人行宮都部署是年秋獵墮馬卒

蕭烏頁原作烏野字草隱其先出興聖宮分觀察使塔哩濟

原作塔里直之孫也性孝悌尚禮法雅為鄉黨所稱重熙中

補護衛興宗見其勤恪遷護衛太保佐耶律仁先平重

元亂以功加團練使時德略原作敵烈部數為鄰部侵擾民

多困弊命烏頁原作烏野為德略原作敵烈部節度使恤困窮省

徭役不數月部人以安尋以母老歸養於家母亡尤極

哀毀服闋歷官興聖延慶二宮使卒

論曰烏爾古原作烏古德略原作敵烈大部也道拉原作奪刺為統軍

克敵有功布達原作普達居詳袞原作穩悅以使人西北重鎮

也浩善原作侯晒巡邊以廉稱古雲原作古昱鎮撫而民富圖丹

原作獨攬駐金蕭而夏人不敢東獵噫部人內附方面以寧

雖朝廷處置得宜而諸將之力抑亦何可少哉

遼史卷九十一

德陽劉子雄校字

成都方守道覆校

遼史卷九十三

元中書右丞相總裁托克托等修

列傳第二十三

蕭惠 慈實努

蕭頁嚕 都勒幹

蕭托雲

耶律都沁

蕭惠字伯仁小字托果斯 原作脫 古思 瀋欽皇后弟阿古齊

原作阿古只 五世孫初以中宮親為國舅詳袞 原作詳穩 從伯父

巴雅爾 原作排押 征高麗至努克特 原作奴古達 北嶺高麗阻險

以拒惠力戰破之及攻開京以軍律整肅聞授契丹行

宮都部署開泰二年改南京統軍使尋為右伊勒希巴

原作夷離畢 加同中書門下平章事朝議以遼東重地非勳

戚不能鎮撫乃命惠知東京留守事改西北路招討使

封魏國公太平六年討回鶻阿爾斯蘭 原作阿薩蘭 部徵兵

諸路獨準布原作阻酋長濟喇原作直刺後期立斬以徇進至
甘州攻圍三日不克而還時濟喇原作直刺之子聚兵來襲
準布原作阻酋長烏巴原作烏入密以告惠未之信會西準布
原作阻叛襲三克軍都監尼嚕古原作魯古圖吉原作突舉部節
度使轄哩原作諧理額布勒原作不呂阿等將兵三千來救遇敵
於哈屯原作可敦城西南轄哩原作諧理額布勒原作不呂阿戰歿士
卒潰散惠倉卒列陣敵出不意攻我營眾請乘時奮擊
惠以我軍疲敝未可用弗聽烏巴原作烏入請以夜斫營惠
又不許準布原作阻歸惠乃設伏兵擊之前鋒始交敵敗
走惠為招討累年屢遭侵掠士馬疲困七年左遷南京
侍衛親軍馬步軍都指揮使尋遷南京統軍使興宗卽
位知興中府歷順義軍節度使東京留守西南面詔討
使加開府儀同三司檢校太師兼侍中封鄭王賜推誠

協謀竭節功臣重熙六年復為契丹行宮都部署加守
太師徙王趙拜南院樞密使更王齊是時帝欲一天下
謀取三關集羣臣議惠曰兩國強弱聖慮所悉宋人西
征有年師老民疲陛下親率六軍臨之其勝也必矣蕭
孝穆曰我先朝與宋和好無罪伐之其曲在我况勝敗
未可逆料願陛下熟察帝從惠言迺遣使索宋十城會
諸軍於燕惠與太弟帥師壓宋境宋人重失十城增歲
幣請和惠以首事功進王韓十二年兼北府宰相同知
元帥府事又為北樞密使十三年夏國李元昊誘山南
党項諸部帝親征元昊懼請降惠曰元昊忘奕世恩萌
姦計車駕親臨不盡歸所掠天誘其衷使彼來迎天與
不圖後悔何及帝從之詰旦進軍夏人列拒馬於河西
蔽盾以立惠擊敗之元昊走惠麾先鋒及右翼邀之夏

人千餘潰圍出我師逆擊大風忽起飛沙眯目軍亂夏人乘之蹂踐而死者不可勝計詔班師十七年尙帝姊秦晉國長公主拜駙馬都尉明年帝復征夏國惠自河南進戰艦糧船綿亙數百里既入敵境偵候不還鎧甲載於車軍士不得乘馬諸將咸請備不虞惠曰諒祚必自迎車駕何暇及我無故設備徒自弊耳數日我軍未營候者報夏師至惠方詰妄言罪諒祚軍從阪而下惠與麾下不及甲而走追者射惠幾不免軍士死傷尤眾師還以惠子慈實努原作慈氏奴歿於陣詔釋其罪十九年請老詔賜肩輿入朝策杖上殿辭章再上乃許之封魏國王詔冬夏赴行在參決疑議既歸遣賜湯藥及他賜賚不絕每生日輒賜詩以示尊寵清寧二年薨年七十四遺命家人薄葬訃聞輟朝三日惠性寬惠自奉儉薄

興宗使惠恣取珍物惠曰臣以戚屬據要地祿足養廉奴婢千餘不爲闕乏陛下猶有所賜貧於臣者何以待之帝以爲然故爲將雖數敗劾不之罪也弟實喇原作虛列武定軍節度使二子慈實努原作慈氏奴烏爾古納原作兀古匿烏爾古納原作兀古匿慈實努原作慈氏奴字寧隱太平初以戚屬補祗候郎君上愛其勤慎升扎薩克轄原作開撒拔加右監門衛上將軍西邊有警授西北路招討都監領保大軍節度使政濟恩威諸部悅附入爲殿前副點檢歷烏爾古原作烏古德呼原作敵部詳袞原作詳穩征李諒祚爲統軍都監與西北路招討使達嚕噶原作魯古率番部諸軍由北路趨涼州獲諒祚親屬夏人扼險以拒慈實努原作慈氏奴中流矢卒年五十一贈中書門下平章事

蕭頁嚕原魯作字和爾沁原胡作五院部人父約質歷官

節度使頁嚕原魯作重熙間為牌印郎君清寧九年國家

既平重元之亂其黨果玖原郭九作等亡詔頁嚕原魯作追捕

獲之遷護衛太保咸雍元年使宋議邊事稱旨知殿前

副點檢事五年準布原阻叛為行軍都監擊敗之俘獲

甚眾初軍出止給五月糧過期糧乏士卒往往叛歸頁

嚕原魯作坐失計免官降戍西北部未行會北部兵起頁

嚕原魯作將烏爾古原烏古德嚕原敵兵擊敗之每戰以身

先繇是釋前罪命總知烏爾古原烏古德嚕原敵部九年

德嚕原敵叛都監耶律都木達原獨以兵少不戰屯臚

胸河德嚕原敵合邊人掠居民頁嚕原魯率精騎四百

力戰敗之盡獲其輜重繼聞酋長合卓原合三千餘騎

掠附近部落縱兵躡其後連戰二日斬數千級盡得被

掠人畜而還值德嚕原敵黨五百餘騎劫捕鷹戶逆擊

走之俘斬甚眾自是德嚕原敵勢沮時德嚕原敵方為

邊患而準布原阻相繼寇掠邊人以故疲弊朝廷以地

遠不能時益援軍而使疆圉帖然者皆頁嚕原魯力也

帝嘉其功拜左皮室詳袞原詳會宋求天池之地詔頁

嚕原魯兼統兩皮室軍屯達里庫原太山以備之太

康初準布原阻叛遷西北招討都監從都統耶律卓克

算原趙征討有功改南京統軍都監黃皮室詳袞原詳

未幾遷東北路統軍都監卒弟都勒幹原盧

都勒幹原盧字薩巴原撒幼警悟異常兒三歲失母

哭盡哀見者傷之及長魁偉沈毅好學善屬文有才幹

年三十始仕為朝野推重給事北院知聖旨事太康二

年伊遜原乙再入樞府都勒幹原盧素與蕭巖壽善

誣以罪謫戍西北部坐皇太子事特恩減死仍錮終身
在戍十餘年太子事稍直始得歸鄉里屏居謝人事一
日臨流聞雉鳴三復孔子時哉語作古詩三章見志當
時名士稱其高情雅韻不減古人壽隆六年卒年六十
一乾統初贈彰義軍節度使

蕭托雲原圖玉字兀衍北府宰相哈里海黎之子統和初

皇太后稱制以戚屬入侍尋為烏爾古原烏古部都監討

舒穆魯原母縷等部有功遷烏爾古原烏古部節度使十

九年總領西北路軍事後以本路兵伐甘州降其酋長

伊蘭原牙懶既而伊蘭原牙懶復叛命討之克肅州盡遷其

民於托輝原土隗口故城師還詔尙金鄉公主拜駙馬都

尉加同政事令門下平章事上言日準布原阻卜今已服

化宜各分部治以節度使上從之自後節度使往往非

材部民怨而思叛開泰元年七月錫林原石烈太師阿勒

達原里底殺其節度使西奔鄂爾多原魯朶城蓋古所

謂龍庭單于城也已而準布原阻卜復叛圍托雲原圖玉於

哈屯原可敦城勢甚張托雲原圖玉使諸軍齊射却之屯於

鄂爾多原魯朶城明年北院樞密使耶律華格原化哥引

兵來救托雲原圖玉遣人誘諸部皆降帝以托雲原圖玉始

雖失計後得人心釋之仍領諸部請益軍詔讓之曰叛

者既服兵安用益且前日之役死傷甚眾若從汝謀邊

事何時而息遂止會公主坐殺家婢降封郡主托雲原

圖原玉罷使相尋起為烏爾古原烏古德略原敵烈部詳袞原詳穩

以老代還卒子雙寬原雙古南京統軍使孫額圖瑋原託篤

翰尙三韓郡王赫魯原合魯之女固頁原骨洛公主終烏爾

古原烏古德略原敵烈部統軍使以善戰名於世

耶律都沁原作鐸軫字敵輦積慶宮人仕統和間性疏簡不顧小節人初以是短之後侵宋分總羸師以從及戰取緋帛被介冑以自標顯馳突出入敵陣格殺甚眾太后望見喜召謂之曰卿戮力如此何患不濟厚賞之由是多以軍事屬任俄授東北詳衮原作詳穩開泰二年進討準布原作阻克之重熙閒厯東路統軍使天德軍節度使十七年城西邊命都沁原作鐸軫相地及造戰艦因成樓船百三十艘上置兵下立馬規制堅壯稱旨及西征詔都沁原作鐸軫率兵由別道進會於河濱敵兵阻河而陣帝御戰艦絕河擊之大捷而歸親賜卮酒仍問所欲都沁原作鐸軫對曰臣幸被聖恩得効駑力萬死不能報國又將何求帝愈重之手書都沁原作鐸軫衣裾曰勤國忠君舉世無雙卒於官年七十子迪里原作低烈厯觀察節度使

論曰初遼之謀復三關也蕭惠贊伐宋之舉而宋人增幣請和狃於一勝移師西夏而勇智俱廢敗潰隨之豈非貪小利迷遠圖而然况所得不償所亡利果安在哉同時諸將撫綏邊圉若頁嚙原作迂魯忠勤不伐都勒幹原作軫高情雅韻都沁原作鐸軫雖廉不逮蕭惠而無邀功啟釁之罪亦庶乎君子之風矣

德陽劉子雄校字
成都方守道覆校

邊吏奏自華格原作化哥還闕糧乏馬弱勢不可守上復遣
華格原作化哥經略西境華格原作化哥與邊將深入聞蕃部逆
命居伊濟翼只水華格原作化哥徐以兵進敵望風奔潰獲
羊馬及輜重路由白拔烈遇阿爾斯蘭原作阿薩蘭回鶻掠
之都監紐幹哩原作裏里繼至謂華格原作化哥曰君誤矣此部
實効順者華格原作化哥悉還所俘諸蕃由此不附上使案
之削王爵以侍中遙領大同軍節度使卒

耶律幹拉原作幹臘字斯寧奚德呼原作迭刺部人矯捷有力善
騎射保寧初補護衛車駕獵頡山適豪猪伏叢莽帝射
中猪突出御者托滿捨轡而避廐人鶴骨翼之幹拉原作
幹復射而斃帝嘉賞及獵赤山適奔鹿奮角突前路隘
不容避垂犯蹕幹拉原作幹臘以身當之鹿觸而顛帝謂曰
朕因獵兩瀕於危賴卿以免始見爾心遷護衛太保從

樞密使耶律色珍原作斜軫破宋將楊繼業軍於山西統和

十三年秋為行軍都監從都部署奚王和碩鼐原作朔奴

伐烏舍原作兀惹烏哲圖原作昭度數月至其城烏哲圖原作昭度

請降和碩鼐利其俘掠令四面急攻烏哲圖原作昭度率眾

死守隨方捍禦依埤堦虛構戰棚誘我軍登陴俄撤枝

柱登者盡覆和碩鼐原作朔奴知不能下欲退蕭恆德謂

師久無功何以藉口若深入大掠猶勝空返幹拉原作幹臘

曰深入恐所得不償所損恆德不從略地東南循高麗

北鄙還道遠糧絕人馬多死詔奪諸將官惟幹拉原作幹臘

以前議得免尋加同政事門下平章事為東京留守開

泰中卒

耶律蘇色原作速撒字阿敏性忠直簡毅練武事應歷初為

侍從累遷圖魯卜原作呂不部節度使歷霸濟祥順聖五

州都總管俄為敦睦宮太師保寧三年改九部都詳袞
原作詳穩四年伐党項屢立戰功手詔勞之統和初皇太后
稱制西邊甫定蘇色原作速撒務安集諸蕃利害輒具以聞
太后益信任之凡臨戎與士卒同甘苦所獲均賜將校
賞順討逆威信大振在邊二十年卒

蕭阿魯岱原作阿魯帶字伊實揚原作乙威原作烏隗部人父農

古原作女古仕至糾詳袞原作詳穩阿魯岱原作魯帶少習騎射曉

兵法清寧間始仕累遷本部司徒改烏爾古原作烏古德降

原作敵烈統軍都監大安七年遷山北副部署九年達勒達

原作理得博索摩原作思母拔二部來侵率兵擊却之達勒達

原作理得復劫牛羊阿魯岱原作魯帶引兵追及盡獲所掠

斬渠帥數人是冬達勒達原作理得等以三百餘人梗邊

復戰却之斬首二百餘級加金吾衛上將軍封蘭陵縣

公壽隆元年第功加同中書門下平章事進爵郡公改
西北路招討使乾統三年坐留宋俘當遣還者為奴免
官後被徵以老疾致仕卒

耶律納延原作那也字伊實年原作斯輦額爾奇木原作夷巴

古濟原作古只蒲之後父幹常為北剋從伐夏戰歿季父卓

克算原作趙三始為宿直官累遷至北面林牙咸雍四年拜

北院大王改西南面招討使太康中西北諸部擾邊議

欲往討帝以為非卓克算原作趙三不可遂拜西北路詔討

使兼行軍都統平之以功復為北院大王納延原作那也敦

厚才敏上以其父幹死王事九歲加諸衛小將軍為題

里司徒尋召為宿直官太康三年為約尼原作遙輦克大安

九年為倒塌嶺節度使明年冬以北準布原作阻卜長磨古

斯叛與招討都監耶律呼哩原作胡呂率精騎二千往討破

之納延原作那也薦呼哩原作胡呂為漢人行宮副部署壽隆元年復討達勒達原作達理得博索摩原作思母等有功賜詔褒美改烏爾古原作烏古德降原作敵烈部統軍使邊境以寧部民乞留詔許再任乾統六年拜中京留守改北院大王薨納延原作那也為人廉介長於理民每有鬪訟親覈曲直不尚威嚴常曰凡治人本欲分別是非何事迫脅以立名故所至以惠化稱

耶律和羅木薩噶原作何魯掃古字烏庫哩原作烏古鄰孟父房之

後重熙末補祇候郎君清寧初加安州團練使太康中

歷懷德軍節度使奚六部圖哩原作秃里太尉詔與樞密官

措畫東北邊事改左護衛太保侍上言多率易察無他

賜以故上優貸之八年知西北路招討使事時邊部額

特格爾原作耶都剌等來侵和羅木薩噶原作何魯掃古誘北準布

原作阻卜酋豪磨古斯攻之俘獲甚眾以功加左僕射復討

額特格爾原作額剌等誤擊磨古斯北準布原作阻卜由是叛

命遣都監章吉特原作張九討之不克二室韋與六院部特

們原作特滿羣牧宮分等軍俱陷於敵和羅木薩噶原作魯掃古

不以實聞坐是削官決以大杖壽隆閒累遷特哩衮原作

隱兼侍中賜保節功臣道宗崩與宰相耶律儼總山陵

事乾統中致仕卒

耶律世良小字幹六院部人才敏給練達國朝典故及

世譜上書與族弟迪里原作敵烈爭嫡庶帝始識之時北院

樞密使韓德讓病帝問孰可代卿德讓曰世良可北院

大王耶律實嚕原作室魯復問北院之選德讓曰無出世良

統和末為北院大王開泰初因大冊禮加檢校太尉同


政事門下平章事時邊部拒命詔北院樞密使耶律華

格原作哥將兵以世良爲都監往禦之明年華格原作化哥還將罷兵世良上書曰華格原作化哥以爲無事而還不思師老糧乏敵人已去焉能久守若益兵可克也帝卽命華格原作化哥益兵與世良追之至安真河大破而還自是邊境以寧以功王岐拜北院樞密使三年命選馬馳於烏爾古原作烏古部會德呼原作敵烈部人伊喇原作夷刺殺其酋長刷原作稍瓦而叛鄰部皆應攻陷巨穆古原作母古城世良率兵壓境遣人招之降數部各復故地四年伐高麗爲副部署都統劉愼行逗遛失期執還京師世良獨進兵明年至北都護府破追兵於郭州以暴疾卒論曰大之懷小也以德制之也以威德不足懷威不足制而欲服人也難矣華格原作化哥利俘獲而諸蕃不附和羅木薩噶原作魯掃古誤擊磨古斯而準布原作阻卜叛命是皆

喜於一旦之功而不圖後日之患庸何議焉若幹拉原作臘之戒深入蘇色原作速撒之務安集亦鐵中之錚錚者邪

遼史卷九十四

德陽劉子雄校字
成都方守道覆校



遼史卷九十五

元中書右丞相總裁托克托等修
列傳第二十五

耶律鴻觀

耶律瑪魯

蕭滴冽

耶律適祿

耶律辰嘉努

耶律特默

耶律仙童

蕭素颯 穆喇幹

耶律大悲努

耶律鴻觀

原作字和爾沁 原作胡 樞密使華格 原作之

弟統和間累遷順義軍節度使入為北面林牙太平元
年加同政事門下平章事出為彰國軍節度使兼山北
道兵馬都部署徙武定軍節度使拜特哩袞 原作 六年
討準布阻 原作 有功聖宗嘗刺臂血與鴻觀 原作 盟為友

禮遇尤異拜南府宰相改上京留守重熙六年遷南院
大王御製誥辭以寵之十三年加裕悅原作于越帝憫其勞
復授武定軍節度使卒訃聞上哭曰惜哉善人喪至親
臨奠焉

耶律瑪魯

原作馬六

字揚隱孟父楚國王之後性寬和善諧

謔親朋會遇一坐盡傾恬於榮利與耶律鴻觀原作宏古為

刺血友鴻觀原作宏古為特哩袞原作惕隱薦補宿直官重熙初

遷旗鼓伊喇原作拽刺詳袞原作詳穩為人畏慎容物或有面相

陵折者恬然若弗聞不臧否世務以故上益親狎三年

遷崇德宮使為特哩袞原作惕隱御製誥辭以襲之拜北院

宣徽使寵遇過宰相帝常以兄呼之改遼興軍節度使

卒年七十子努克特原作古達終南京宣徽使

蕭滴冽字托紐原作團寧約尼原作遙輩森濟汗原作質可汗宮人重

熙初遙攝鎮國軍節度使六年奉詔使宋傷足而跛不
告遂行帝怒及還決以大杖降同簽南京留守事遙授
靜江軍節度使歷羣牧都林牙累遷右伊勒希巴原作夷离
畢以才幹見任使會車駕西征元昊乞降帝以前後反
覆遣滴冽往覘誠否因為元昊陳述禍福聽命乃還拜
北院樞密副使出為中京留守十九年改西京留守卒
耶律適祿字薩蘭原作撒懶清寧初為本班郎君稍遷宿直
官乾統中從伐準布原作阻卜有功加奉宸厯護衛太保改
宏義宮副使時上京梟賊趙鍾格原作鍾哥跋扈自肆適祿
擒之加泰州觀察使為達嚕噶原作魯號部節度使天慶
中知興中府加金吾衛上將軍為盜所殺

耶律辰嘉努

原作陳家奴

字綿辛懿祖弟噶拉

原作葛刺之八世

孫重熙中補牌印郎君坐直日不至降本班會帝獵辰

嘉努原作陳家努逐鹿園內鞭之二百時耶律仁先薦辰嘉

努原作陳家努健捷比海東青鵠授御蓋郎君厯鷹坊尙殿

四方館副使改圖魯古原作徒魯古皮室詳袞原作詳穩會太后

生辰進詩獻馴鹿太后嘉獎賜珠二琲雜絲二百段兄

薩木原作撒鉢卒辰嘉努原作陳家努聞訃不告而去帝怒鞭之

清寧初累遷右伊勒希巴原作夷南畢適帝與燕國王射鹿

俱中王時年九歲帝悅辰嘉努原作陳家努應制進詩帝喜

解衣以賜後皇太子廢帝疑辰嘉努原作陳家努黨附罷之

時西北諸部寇邊以辰嘉努原作陳家努為烏爾古原作烏古部

節度使行軍都監賜甲一屬馬二疋討諸部擒其酋送

於朝偵候者見馬蹤意寇至辰嘉努原作陳家努遣報元帥

耶律愛努原作愛奴視之曰此野馬也將出獵賊至愛努原作

愛戰歿有司詰案辰嘉努原作陳家努不伏詔釋之由是感

激每事竭力後諸部復來侵辰嘉努原作陳家努率兵三往

皆克邊境遂寧以老告歸不從道宗崩為山陵使致仕

年八十卒

耶律特默原作特麼季父房之後重熙間為北剋累遷六部

圖哩原作秃里太尉大安四年為例塌嶺節度使頃之為禁

軍都監是冬討磨古斯斬首二千餘級十年復討之既

捷授南院宣徽使壽隆元年為北院大王四年知黃龍

府事薨

耶律仙童仲父房之後重熙初為宿直官累遷特哩袞

原作楊隱都監以寬厚稱富珠哩原作蒲里叛仙童為五國節

度使率師討之擒其帥托多羅原作得里又擊威原作烏叛

降其眾改彰國軍節度使拜北院大王清寧二年知黃

龍府事遷侍衛親軍馬步軍都指揮厯忠順武定二軍

節度使致仕封蔣國公咸雍初徙封許國卒

蕭素颯字特默原作特免五院部人重熙間始仕累遷北院

承旨彰愍宮使濬寧初歷左皮室詳袞原作詳穩右伊勒希

巴原作夷咸雍五年博和哩原作阿里部叛素颯討降之

率其酋長來朝帝嘉其功徙北院林牙改南院副部署

卒子穆喇幹原作魯幹字和琳原作回璉初補伊勒希巴原作夷

畢郎君遷文班太保太康中改南京統軍使為右伊勒

希巴原作夷與樞密使耶律阿蘇原作阿思論事不合見忌

出為馬羣太保北部來侵穆喇幹原作魯幹破之以功遷

同知烏爾古原作烏古德略原作敵烈部統軍仍許便宜行事後

以讒毀降領西北路戍軍復為馬羣太保卒

耶律大悲努原作悲奴字糾堅原作休堅王子班聶里古之後

太康中歷永興延昌宮使右皮室詳袞原作詳穩會準布原作

阻叛奉詔招降之壽隆二年拜殿前都點檢乾統初歷

上京留守特哩袞原作惕隱復為都點檢改西南面招討使

請老不許天慶中留守上京領北南樞密院點檢中丞

諸司等事以彰國軍節度使致仕卒大悲努原作悲奴舉

止馴雅好禮儀為時人所稱

論曰遼自神册而降席富彊之勢內修法度外事征伐

一時將帥震揚威靈風行電掃討西夏征党項破準布

原作阻平德略原作敵烈諸部震懾聞鼙鼓而膽落股弁斯可

謂雄武之國矣其戰勝攻取必有奇謀祕計神變莫測

者將前史所載未足以發之邪抑天之所授眾莫與爭

而能然邪雖然兵者凶器可戢而不可玩爭者末節可

遏而不可召此黃石公所謂柔能制剛弱能制彊也又

况乎仁者之無敵哉遼之君臣智足守此金人果能乘

其傲而躡其後乎是以於耶律鴻觀原作宏古輩諸將不能無慨然也

遼史卷九十五

德陽劉子雄校字
成都方守道覆校

遼史卷九十六

元中書右丞相總裁托克托等修
列傳第二十

耶律仁先 托卜嘉

耶律良

蕭罕嘉努

蕭德

蕭惟信

蕭約音努

耶律迪里

姚景行

耶律阿蘇

耶律仁先字扎林原作紕鄰小字察喇原作查刺孟父房之後父

貴音原作瑰引南府宰相封燕王仁先魁偉爽秀有智略重

熙三年補獲衛帝與論政才之仁先以不世遇言無所

隱授宿直將軍累遷殿前副點檢改和拉原作鶴刺唐古部

節度使俄召為北面林牙十一年升北院樞密副使時

宋請增歲幣銀絹以償十縣地產仁先與劉六符使宋仍議書貢宋難之仁先曰曩者石晉報德本朝割地以獻周文攘而取之是非利害灼然可見宋無辭以對乃定議增銀絹十萬兩匹仍稱貢既還同知南京留守事十三年伐夏留仁先鎮邊未幾召爲契丹行宮都部署奏復王子班郎君及諸宮雜役十六年遷北院大王奏今兩院戶口殷庶乞免他部助役從之十八年再舉伐夏仁先與皇太弟重元爲前鋒蕭惠失利於河南帝猶欲進兵仁先力諫乃止後知北院樞密使遷東京留守女直恃險侵掠不止仁先乞開山通道以控制之邊民安業封吳王清寧初爲南院樞密使以耶律華格原作化哥譖出爲南京兵馬副元帥守太尉更王隋六年復爲北院大王民歡迎數百里如見父兄時北南院樞密官尼

嚕古

原作涅魯古

蕭呼都克

原作胡覲

等忌之請以仁先爲西北

路招討使耶律伊遜

原作乙辛

奏曰仁先舊臣德冠一時不

宜補外復拜南院樞密使更王許七月上獵太子山耶律良奏重元謀逆帝召仁先語之仁先曰此曹凶狠臣固疑之久矣帝趣仁先捕之仁先出且曰陛下宜謹爲之備未及介馬重元犯帷宮帝欲幸北南院仁先曰陛下若舍扈從而行賊必躡其後且南北大王心未可知仁先子托卜嘉原作撻不也曰聖意豈可違乎仁先怒擊其首帝悟悉委仁先以討賊事乃環車爲營拆行馬作兵仗率官屬近侍三十餘騎陣抵柅外及交戰賊眾多降尼嚕古原作涅魯古中矢墮馬擒之重元被傷而退仁先以五院部蕭塔刺所居最近亟召之分遣人集諸軍黎明重元率奚人二千犯行宮蕭塔刺兵適至仁先料賊勢

不能久埃其氣沮攻之乃背營而陣乘便奮擊賊眾奔潰追殺二十餘里重元與數騎遁去帝執仁先手曰平亂皆卿之功也加尙父進封宋王爲北院樞密使親制文以褒之詔畫灤河戰圖以旌其功咸雍元年加裕悅原作于越改封遼王與耶律伊遜原作于越共知北院樞密事伊遜原作于越恃寵不法仁先抑之由是見忌出爲南京留守改王晉恤孤憐禁姦慝宋聞風震服議者以爲自裕悅原作于越之後惟仁先一人而已準布原作于越塔里干叛命仁先爲西北路招討使錫鷹紐印及劍上諭曰卿去朝廷遠每俟奏行恐失機會可便宜從事仁先嚴斥喉扼敵衝懷柔服從庶事整飭塔里干復來寇仁先逆擊追殺八十餘里大軍繼至又敗之別部把里斯土默特原作秃沒等來救見其屢挫不敢戰而降北邊遂安八

年卒年六十遺命家人薄葬弟義先信先俱有傳子托

卜嘉原作不也

托卜嘉原作不也字和爾沁原作獨堇清寧二年補祗候郎

君累遷永興宮使以平重元之亂遙授忠正軍節度使

賜定亂功臣同知殿前點檢司事歷高陽臨海二軍節

度使左皮室詳袞原作詳隱太康六年授西北路招討使率

諸部酋長入朝加兼侍中自蕭達魯原作敵祿爲招討之後

朝廷務姑息多擇柔愿者用之諸部漸至跋扈托卜嘉

原作不也含容尤甚邊防益廢尋改西南面招討使準布

原作阻酋長磨古斯來侵西北路招討使和囉木薩噶原作

阿魯掃古戰不利詔托卜嘉原作不也代之磨古斯之爲酋長

由托卜嘉原作不也所薦至是遣人誘致之磨古斯給降

托卜嘉原作不也逆於鎮州西南沙磧閒禁士卒無得妄

動敵至裨將耶律縮斯徐烈見其勢銳不及戰而走遂
被害年五十八贈兼侍中諡曰貞憫托卜嘉原作撻少
謹愿後為族嫠婦所惑出其妻終以無子人以此譏之
耶律良字錫納原作習撻小字蘇著帳郎君之後生於乾州
讀書醫巫間山學既博將入南山肄業友人止之曰爾
無僕御驅馳千里縱聞見過人年亦垂暮今若卽仕已
有餘地良曰窮通命也非爾所知不聽留數年而歸重
熙中補寢殿實達爾原作小底尋為燕趙國王近侍以家貧
詔乘廐馬遷修起居注會獵秋山良進秋游賦上嘉之
清寧中上幸鴨子河作捕魚賦由是寵遇稍隆遷知制
誥兼知部署司事奏請編御製詩文目曰清寧集上命
良詩為慶會集親製其序頌之為敦睦宮使兼權知皇
太后宮諸局事良聞重元與子尼嚕古原作涅魯古謀亂以

帝篤於親愛不敢遽奏密言於皇太后太后託疾召帝
白其事帝謂良曰汝欲聞我骨肉耶良奏曰臣若妄言
甘伏斧鑕陛下不早備恐墮賊計如召尼嚕古原作涅魯古
不來可卜其事帝從其言使者及門尼嚕古原作涅魯古意
欲害之羈於帳下使者以佩刀斷帟而出馳至行宮以
狀聞帝始信亂平以功遷漢人行宮都部署咸雍初同
知南院樞密使事為特哩袞原作楊隱出知中京留守事未
幾卒帝嗟悼遣重臣賻祭給葬具追封遼西郡王諡曰
忠成

蕭罕嘉努原作韓家奴字固寧原作括寧奚長布倫原作魯恩之後
性孝友太平中補祗候郎君累遷敦睦宮使伐夏為左
翼都監遷北面林牙俄為南院副部署賜玉帶改奚六
部大王治有聲清寧初封韓國公歷南京統軍使北院

宣徽使封蘭陵郡王九月上獵太子山聞重元亂馳詣
行在帝倉卒欲避於北南大王院與耶律仁先執轡固
諫乃止明日重元復誘奚獵夫來罕嘉努原作韓家奴獨出
諭之曰汝曹去順效逆徒取族滅何若悔過轉禍為福
獵夫投仗首服以功遷殿前都點檢封荆王賜資忠保
義奉國竭貞平亂功臣咸雍二年遷西南面招討使太
康初徙王吳賜白海東青鶻皇太子為伊遜原作乙辛誣搆
幽於上京罕嘉努原作韓家奴上書力言其冤不報四年復
為西南面招討使例削一字王爵改王蘭陵薨子揚結
原作楊九終右祗候郎君班詳袞原作詳隱贈同中書門下平章
事

蕭德字特們原作特未隱卓特原作楮特部人性和易篤學好禮
法太平中領牌印直宿累遷北院樞密副使敷奏詳明

多稱上旨詔與林牙耶律庶成修律令改契丹行宮都
部署賜宮戶十有五清寧元年遷同知北院樞密使封
魯國公上以德為先朝眷遇拜南府宰相五年轉南京
統軍使九年復為南府宰相重元之亂擢鋒力戰斬尼
嚕古原作魯古首以獻論功封漢王咸雍初以老告歸優
詔不許久之加尙父致仕卒年七十二

蕭惟信字伊聶原作耶寧卓特原作楮特部人五世祖錫蘭原作霞賴
南府宰相曾祖烏爾古原作烏古中書令祖阿古齊原作右只
知平州父果巴原作高八多智數博覽古今開泰初為北院
承旨稍遷右伊勒希巴原作南畢以幹敏稱拜南府宰相
累遷倒塌嶺節度使知興中府復為右伊勒希巴原作夷離
畢琳沁原作陵青誘眾作亂事覺果巴原作高八按之止誅首惡
餘並釋之歸奏稱旨惟信資沈毅篤志於學能辨論重

熙初始仕累遷左中丞十五年徙燕趙國王傳帝諭之曰燕趙左右多面諛不聞忠言浸以成性汝當以道規誨使知君父之義有不可處王邸者以名聞惟信輔導以禮十七年遷北院樞密副使坐事免官尋復職兼北面林牙清寧九年重元作亂犯灤河行宮惟信從耶律仁先破之賜竭忠定亂功臣歷南京留守左右伊勒希巴原作夷復為北院樞密副使太康中以老乞骸骨不聽樞密使耶律伊遜原作乙辛譖廢太子中外知其冤無敢言者惟信數廷爭不得復告老加守司徒卒

蕭約音努原作樂音奴字布當原作婆丹奚六部常袞原作敞穩圖魯

卜原作笑呂不六世孫父巴拉原作拔刺三歲居父母喪毀瘠過甚養於家奴錫喇布原作列阿不重熙初興宗獵奚山過巴

拉原作拔刺所居錫喇布原作列阿不言於近臣巴拉原作拔刺得見

上時年甫十歲氣象如成人帝悅之錫賚甚厚既長有遠志不樂仕進隱於奚王嶺之察克原作插合谷上以其名

家又有時譽就拜錫里原作舍利軍詳袞原作詳穩約音努原作樂音

奴貌偉言辨通遼漢文字善騎射擊鞠所交皆一時名士年四十始為護衛平重元之亂以功遷護衛太保改

本部南尅俄為旗鼓伊喇原作拽刺詳袞原作詳穩監障海東青

鶻獲白花者十三賜楫楸犀并玉吐鶻拜五番部節度

使卒子揚阿克原作陽阿有傳

耶律迪里原作敵烈字薩蘭原作撒懶採訪使吼五世孫寬厚好

學工文詞重熙末補牌印郎君兼知起居注清寧元年

稍遷同知永州事禁盜有功改北面林牙承旨九年重

元作亂迪里原作敵烈赴援力戰平之遙授臨海軍節度使

十年徙武安州觀察使咸雍五年累遷長寧宮使檢括

戶部司乾州錢帛通負立出納經畫法公私便之太康
四年爲南院大王秩滿部民請留同知南京留守事有
疾上命乘傳赴闕遣太醫視之遷上京大安中改塔布
原作城節度使以疾致仕加兼侍中賜一品俸八年卒
姚景行始名景禧祖漢英本周將應歷初來聘用敵國
禮帝怒留之隸漢人宮分及景行旣貴始出籍貫興中
縣景行博學重熙五年擢進士乙科爲將作監改燕趙
國王教授不數年至翰林學士樞密副使參知政事性
敦厚廉直人望歸之道宗卽位多被顧問爲北府宰相
九年秋告歸道聞重元亂收集行旅得三百餘騎勤王
比至賊已平帝嘉其忠賜以逆人財產咸雍元年出爲
武定軍節度使明年驛召拜南院樞密使上從容問治
道引入內殿出御書及太子書示之賜什器車仗帝有

意伐宋召景行問曰宋人好生邊事如何對曰自聖宗
皇帝以威德懷遠宋修職貢迨今幾六十年若以細故
用兵恐違先帝成約上然其言而止致仕不踰月復舊
職丁家艱起復兼中書令上問古今儒士優劣占對稱
旨知興中府改朔方軍節度使太康初徙鎮遼興以上
京多滯獄命爲留守不數月以獄空聞累乞致政不從
復請許之加守太師卒遣使弔祭追封柳城郡王諡文
憲壽隆五年詔爲立祠

耶律阿蘇

原作阿思

字撒班清寧初補祗候郎君以善射掌

獵事進渤海近侍詳袞

原作詳穩

重元之亂與護衛蘇射殺

尼嚕古

原作魯古

賜號靖亂功臣徙契丹行宮都部署大

安初爲北院大王封漆水郡王壽隆元年爲北院樞密
使監修國史道宗崩受顧命加裕悅

原作于越

錄伊遜

原作乙辛

遼史卷九十六
黨人罪重者當籍其家阿蘇原作阿思受賂多所寬貫蕭赫
嚕原作魯嘗言當修邊備阿蘇原作阿思力沮其事或譏其以
金賣國後以風疾失音致仕加尚父封趙王薨年八十
追封齊國王

論曰灤河之變重元擁兵行幄微仁先等道宗其危乎
當其止幸北南院召塔刺兵以靖大艱功宜居首良以
反謀白太后罕嘉努原作韓家奴以逆順降奚人德與阿蘇
原作阿思殺尼嚕古原作魯古皆有討賊之力焉仁先齊名休
格原作休哥勲德兼備此其一節歟

遼史卷九十六

德陽劉子雄校字
成都方守道覆校

遼史卷九十七

元中書右丞相總裁托克托等修
列傳第二十七

耶律額特埒

孩里

竇景庸

耶律音濟

楊績

趙徽

王觀

耶律吉遜

耶律額特埒

原作幹

字伊實揚

原作乙

許國王伊德實

原作寅

六世孫少不喜官祿年四十一始補本班郎君

時樞密使耶律伊遜

原作乙

擅權讒害忠良額特埒

原作幹

刺恐禍及深自抑畏太康中為宿直官歷左右護衛太

保大安元年升燕王傅徙左伊勒希巴

原作夷

四年改

北院樞密副使帝賜詩褒之遷知北院樞密使事賜翼

聖佐義功臣北準布

原作阻

酋長磨古斯叛額特埒

原作特

刺率兵進討會天大雪敗磨古斯四別部斬首千餘級

拜西北路招討使封漆水郡王加賜宣力守正功臣尋

拜南府宰相復討瓜爾佳呼喇巴

原作聞古胡里扒

部破之召

為契丹行宮都部署先是北南府有訟各州府得就按

之比歲非奉樞密檄不得鞫問以故訟者稽留額特埒

原作翰

奏請如舊從之五年復為西北路招討使討額

特格爾

原作耶

部俘斬甚眾獲馬駝牛羊各數萬明年

擒磨古斯加守太保賜奉國匡化功臣乾統初乞致仕

不許止罷招討南院樞密使封混同郡王遷北院樞密

使加守太師賜推誠贊治功臣致仕薨諡曰敬肅

孩里字呼紐

原作胡鞏

回鶻人其先在太祖時來貢願留因

任用之孩里重熙間歷近侍長清寧九年討重元之亂

有功加金吾衛上將軍賜平亂功臣累遷殿前都點檢

以宿衛嚴肅稱太康初加守太子太保二年加同中書

門下平章事三年改同知南院宣徽使事會耶律伊遜

原作乙辛

出守中京孩里入賀及議復召陳其不可後伊遜

原作乙辛

再入樞府出孩里為廣利軍節度使及皇太子被

誣孩里當連坐有詔勿問大安初歷不勒

原作品

達嚕噶

原作魯號

部節度使壽隆五年有疾自言吾數已盡却醫

藥卒年七十七孩里素信浮圖清寧初從上獵墮馬憤

而復蘇言始見二人引至一城宮室宏敞有衣絳袍人

坐殿上左右列侍導孩里升階持牘者示之曰本取大

腹古雲

原作骨欲

誤執汝牘上書官至使相壽七十七須臾

還擠之大壑而寤道宗聞之命書其事後皆驗

竇景庸中京人中書令振之子聰敏好學清寧中第進

士授祕書省校書郎累遷少府少監咸雍六年授樞密直學士尋知漢人行宮副都署事大安初遷南院樞密副使監修國史知樞密院事賜同德功臣封陳國公有疾表請致仕不從加太子太保授武定軍節度使審決冤滯輕重得宜以獄空聞七年拜中京留守九年薨諡曰肅憲子瑜三司副使

耶律音濟

原作引吉

字阿括不勒

原作品

部人父雙寬

原作雙古

鎮

西邊二十餘年治尙嚴肅不殖貨利時多稱之音濟原作引寅畏好義以廕補官累遷東京副留守北樞密院侍御時蕭格原作革蕭特古斯原作圖等以佞見任鬻爵納賄音濟原作引吉以直道處其閒無所阿唯改客省使時朝廷遣使括三京隱戶不得以音濟原作引吉代之得數千餘戶時昭懷太子知北南院事選音濟原作引吉爲輔導樞密

使伊遜

原作乙辛

將領太子惡音濟

原作引吉

在側奏出之爲羣

牧林牙太康元年伊遜

原作乙辛

請賜牧地音濟

原作引吉

奏曰

今牧地徧陞畜不蕃息豈可分賜臣下帝乃止伊遜原作乙辛由是益嫉之除懷德軍節度使徙漠北骨水馬羣太保卒

楊績良鄉人太平十一年進士及第累遷南院樞密副使與杜防韓知白等擅給進士堂帖降長寧軍節度使徙知涿州清寧初拜參知政事兼同知樞密院事爲南府宰相九年間重元亂與姚景行勤王上嘉之十年知興中府咸雍初入知樞密院事二年乞致任不許拜南院樞密使帝以績舊臣特詔燕見論古今治亂人臣邪正帝曰方今羣臣忠直耶律玠劉伸而已然伸不及玠之剛介績拜賀曰何代無賢世亂則獨善其身主聖則

兼濟天下陛下銖分邪正升黜分明天下幸甚累表告歸不許封趙王太康中以例改王遼西致仕加守太保薨子貴忠知興中府

趙徽南京人重熙五年擢甲科累遷大理正清寧二年銅州人妄毀三教徽按鞫之以狀聞稱旨歷煩劇有能名累遷翰林學士承旨咸雍初為度支使三年拜參知政事出為武定軍節度使及代軍民請留後同知樞密院事兼南府宰樞門下侍郎平章事致仕卒追贈中書令諡文憲

王觀南京人博學有才辯重熙七年中進士乙科興宗崩充夏國報哀使還除給事中咸雍初遷翰林學士五年兼乾文閣學士七年改南院樞密副使賜國姓參知政事兼知南院樞密事坐矯制修私第削爵為民卒

耶律吉遜原作喜孫字盈隱永興宮分人興宗在青宮嘗居

左右輔導聖宗大漸吉遜原作喜孫與馮嘉努原作馮家奴告仁

德皇后同宰相蕭楚布原作泥卜等謀逆事及欽哀為皇太

后稱制吉遜原作喜孫尤見寵任重熙中其子尼格原作混哥為

近侍坐事伏誅帝以吉遜原作喜孫有翼戴功且卓其子罪

死欲世其官吉遜原作喜孫無所出之部因見馬印文有不

勒原作喜孫部號使隸其部拜南府宰相尋出為東北路詳

袞原作喜孫卒

論曰孩里音濟原作引吉之為臣也當伊遜原作乙辛擅權蕭格

原作貪黷之日雖與同官而能以正自處不少阿唯其

過人遠矣傳曰歲寒知松柏之後凋二子有焉若額特

垓原作特刺之戰功竇景庸之讞獄楊績之忠言亦賢矣

夫

遼史卷九十七

德陽劉子雄校字
成都方守道覆校

遼史卷九十八

元中書右丞相總裁托克托等修
列傳第二十八

蕭兀納

劉伸

耶律儼
耶律呼哩

蕭兀納一名托卜嘉原作撻不也字特默原作特免六院部人其

先嘗為西南面伊喇原作搜刺兀納魁偉簡重善騎射清寧

初兄托多原作圖獨以事入見帝問族人可用者托多原作圖獨

以兀納對補祇候郎君遷近侍做史護衛太保太康初

為北院宣徽使時伊遜原作乙辛已害太子因言宋魏國王

和囉噶原作魯幹之子淳可為儲嗣羣臣莫敢言唯兀納

及伊勒希巴原作南畢蕭托輝原作陶隗諫曰舍嫡不立是以

國與人也帝猶豫不決五年帝出獵伊遜原作乙辛請留皇

孫帝欲從之兀納奏曰竊聞車駕出遊將留皇孫苟保護非人恐有他變果留臣請侍左右帝乃悟命皇孫從行由此始疑伊遜原作乙辛頃之同知南院樞密使事出伊遜原作乙辛臣授殿前都點檢上謂王師儒耶律固等曰兀納忠純雖狄仁傑輔唐烏哲原作屋質立穆宗無以過也卿等宜達燕王知之自是令兀納輔導燕王益見優寵大安初詔尙越國公主兀納固辭改南院樞密使奏請掾史宜以歲月遷叙從之壽隆元年拜北府宰相初天祚在潛邸兀納數以直言忤旨及嗣位出爲遼興軍節度使加守太傅佛殿實達爾原作小底王華誣兀納借內府犀角詔鞫之兀納奏曰臣在先朝詔許日取帑錢十萬爲私贖臣未嘗妄取一錢肯借犀角乎天祚愈怒奪太傅官降寧

邊州刺史尋改臨海軍節度使兀納上書曰自蕭哈里

原作海里

亡入女直彼有輕朝廷心宜益兵以備不虞不報

天慶元年和黃龍府事改東北路統軍使復上書曰臣治與女直接境觀其所爲其志非小宜先其未發舉兵圖之章數上皆不聽及金兵來侵戰於寧江州其孫伊德濟原作敵塞死之兀納退走入城留官屬守禦自以二百騎渡混同江而西城遂陷後與蕭敵里拒金兵於長瀾以軍敗免官五年天祚親征兀納殿復敗績後數日及與百官入見授上京留守六年耶律章努原作章奴叛來攻京城兀納發府庫以資士卒諭以逆順完城池以死拒戰章努原作章奴無所得而去授副元帥尋爲契丹都宮使天祚以兀納先朝重臣有定策勲每延問以政兀納對甚切上雖優容終不能用以疾卒年七十

耶律儼字若思析津人本姓李氏父仲禧重熙中始仕清寧初同知南院宣徽使事四年城鴨子混同一二水間拜北院宣徽使咸雍初坐誤奏事出爲榆州刺史俄詔復舊職遷漢人行宮都部署六年賜國姓封韓國公九年改南院樞密使時偏臣伊遜原作乙辛等誣陷皇太子詔仲禧偕伊遜原作乙辛鞠之蔓引無辜未嘗雪正伊遜原作乙辛薦仲禧可任拜廣德軍節度使復爲南院樞密使卒諡欽惠儼儀觀秀整好學有詩名登咸雍進士第守著作佐郎補中書省令史以勤敏稱太康初歷都部署判官將作少監後兩府奏事論羣臣優劣唯稱儼才俊改少府少監知大理正賜紫六年遷大理少卿奏讞詳平明年升大理卿丁父憂奪服同僉部署司事大安初爲景州刺史繩胥徒禁豪猾撫老恤貧未數月善政流播郡

人刻石頌德二年改御史中丞詔案上京滯獄多所平反同知宣徽院事提點大理寺六年冬改山西路都轉運使刮剔垢弊奏定課額益州縣俸給事皆施行壽隆初授樞密直學士以母憂去官尋召復舊職宋攻夏李乾順遣使求和解帝命儼如宋平之拜參知政事六年駕幸鴛鴦灤召至內殿訪以政事帝晚年倦勤用人不能自擇令各擲骰子以采勝者官之儼嘗得勝采上曰上相之徵也遷知樞密院事賜經邦佐運功臣封越國公修皇朝實錄七十卷帝大漸儼與北院樞密使阿蘇原作阿思同受顧命乾統三年徙封秦國六年封漆水郡王天慶中以疾命乘小車入朝疾甚遣太醫視之薨贈尙父諡曰忠懿儼素廉潔一介不取於人經籍一覽成誦又善伺人主意妻邢氏有美色嘗出入禁中儼教之曰

慎勿失上意由是權寵益固三子處貞太常少卿處兼同知中京留守事處能少府少監

劉仲字濟時宛平人少穎悟長以辭翰聞重熙五年登進士第歷彰武軍節度使掌書記大理正因奏獄上適與近臣語不顧仲進曰臣聞自古帝王必重民命願陛下省臣之奏上大驚異擢樞密都承旨權中京副留守詔徙富民以實春泰二州仲以為不可奏罷之遷大理少卿人以不冤稱升大理卿改西京副留守以父憂終制為三司副使加諫議大夫提點大理寺以申明法而恕案冤獄全活者眾徙南京副留守俄改崇義軍節度使政務簡靜民用不擾致烏鵲同巢之異優詔褒之改戶部使歲入羨餘錢三十萬緡拜南院樞密副使道宗嘗謂大臣曰今之忠直耶律玦劉仲而已宰相楊績賀

其得人拜參知政事上諭之曰卿勿憚宰相時北院樞

密使伊遜原作勢焰方熾仲奏曰臣於伊遜原作尚不

畏何宰相之畏伊遜原作銜之相與排詆出為保靜軍

節度使上終欲大用加守太子太保遷上京留守伊遜

原作以事徙鎮雄武復以崇義軍節度使致仕適燕薊

民饑仲與致仕趙徽韓造日濟以糜粥所活不勝算大

安二年卒上震悼賻贈加等

耶律呼哩原作字蘇色原作宏義宮分人其先欲穩佐

太祖有功為德略原作部額爾奇木原作夷父揚鄂特

原作左監門衛大將軍呼哩原作性謙謹於人無適莫

重熙末補寢殿實達爾原作以善職屢更華要遷千牛

衛大將軍大安中北準布原作阻卜酋磨魯斯叛為招討都

監與耶律納延原作率精騎二千討平之以功為漢人

遼史卷九十八
行宮副部署兼知太和官事致仕加同中書門下平章事卒

論曰兀納當道宗昏惑之會擁佑皇孫使伊遜原作乙幸姦計不獲復逞而遼祚以續比之烏哲原作屋質立穆宗非溢美也儼以俊才莅政所至有能譽纂述遼史具一代治亂亦云勤矣但其固寵不能以禮正家惜哉劉伸三爲大理民無冤抑一登戶部上下兼裕至與耶律玦並稱忠直不亦宜乎

遼史卷九十八

德陽劉子雄校字
成都方守道覆校

遼史卷九十九

元中書右丞相總裁托克托等修

列傳第二十九

蕭巖壽

耶律薩喇

蕭蘇色

耶律托卜嘉

蕭托卜嘉

蕭和克

耶律實嚕

蕭巖壽伊實原作乙室部人性剛直尙氣仕重熙末道宗卽位皇太后屢稱其賢由是進用上出獵較巖壽典其事未嘗高下於心帝益重之歷文班太保同知樞密院事咸雍四年從耶律仁先伐準布原作阻卜破之有詔留屯亡歸者眾由是鑄兩官十年討德略原作敵烈部有功爲其部節度使太康元年同知南院宣徽使事遷北面林牙密

奏伊遜原作乙辛以皇太子知國政心不自安與張孝傑數相過從恐有陰謀動搖太子上悟出伊遜原作乙辛為上京留守會伊遜原作乙辛生日上遣近臣耶律白斯本賜物為壽伊遜原作乙辛因私屬白上臣見姦人在朝陛下孤危身雖在外竊用寒心白斯本還以聞上遣人賜伊遜原作乙辛車論曰無慮弗用行將召矣由是反疑巖壽出為順義軍節度使伊遜原作乙辛復入為樞密使流巖壽於威原作鳥隗路終身拘作巖壽雖竄逐恆以社稷為憂時人為之語曰以狼牧羊何能久長三年伊遜原作乙辛誣巖壽與謀廢立事執還殺之年四十九乾統閒贈同中書門下平章事繪像宜福殿巖壽廉直面折廷靜多與伊遜原作乙辛忤故及於難

耶律薩喇原作撒刺字董隱南院大王穆爾古原作磨魯古之孫

性忠直沈厚清寧初累遷西南面招討使以治稱咸雍九年改北院大王未幾為契丹行宮都部署太康二年耶律伊遜原作乙辛為中京留守詔百官廷議欲復召之羣臣無敢正言薩喇原作撒刺獨奏曰蕭巖壽言伊遜原作乙辛有罪不可為樞臣故陛下出之今復召恐天下生疑進諫者三不納左右為之震悚伊遜原作乙辛復為樞密使見薩喇原作撒刺讓曰與君無憾何獨異議薩喇原作撒刺曰此社稷計何憾之有伊遜原作乙辛誣薩喇原作撒刺與蘇色原作速撒同謀廢立詔按無迹出為始平軍節度使及蕭額圖原作訛都誣首竟遣使殺之乾統閒追封漆水郡王繪像宜福殿仍追贈三子官爵

蕭蘇色原作速撒字禿魯董圖魯卜原作突呂不部人性沈毅重熙間累遷右護衛太保富珠哩原作蒲奴里叛從耶律義先

往討執首亂托多羅原作陶得里以歸清寧中歷北面林牙

彰國軍節度使入為北院樞密副使咸雍十年經略西

南邊撤宋堡障戍以皮室軍上嘉之太康二年知北院

樞密使耶律伊遜原作乙辛權寵方盛附麗者多至通顯蘇

色原作速撒未嘗造門伊遜原作乙辛銜之誣構蘇色原作速撒首謀

廢立按之無驗出為上京留守伊遜原作乙辛復令蕭額圖

瑄原作訛都幹以前事誣告上怒不復加訊遣使殺之時方

盛暑尸諸原野容色不變烏鵲不敢近乾統間追封蘭

陵郡王繪像宜福殿

耶律托卜嘉原作捷不也字撒班系出季父房父高嘉原作高家

仕至林牙重熙間破夏人於金肅軍有功優加賞賚托

卜嘉原作捷不也清寧中補牌印郎君累遷永興宮使九年

平重元之亂以功知點檢司事賜平亂功臣為懷德軍

節度使咸雍五年遷約尼原作遙輦剋太康三年授北院宣

徽使耶律伊遜原作乙辛謀害太子托卜嘉原作捷不也知其姦

欲殺伊遜原作乙辛及蕭特爾特原作里得蕭錫沙原作十三等伊

遜原作乙辛知之令其黨誣搆托卜嘉原作捷不也與廢立事殺

之乾統初追封漆水郡王繪像宜福殿

蕭托卜嘉原作捷不也字烏拉丹原作里端國舅郡王噶濟原作

高九之孫性剛直咸雍中補祗候郎君太康元年為彰愍

宮使尙趙國公主拜駙馬都尉三年改同知漢人行宮

都部署與北院宣徽使耶律托卜嘉原作捷不也善伊遜原作

乙嫉之令人誣告謀廢立事不勝撈掠誣伏上引問昏

贖不能自陳遂見殺乾統間追封蘭陵郡王繪像宜福

殿

蕭和克原作忽古字阿爾斯蘭原作斯憐性忠直趨捷有力甫

冠補禁軍咸雍初從招討使耶律卓克算原作趙三討番部

之違命者及請降來介有能躍馳峯而上者以價捷相

詐卓克算原作趙三問左右誰能此和克原作忽古被重鎧而出

手不及峯一躍而上使者大駭卓克算原作趙三以女妻之

帝聞召為護衛時北院樞密使耶律伊遜原作乙辛以狡佞

得幸肆行兇暴和克原作忽古伏於橋下伺其過欲殺之俄

以暴雨壞橋不果後又欲殺於獵所為親友所阻太康

三年復欲殺伊遜原作乙辛及蕭特爾特原作里得等伊遜原作

乙辛知而械繫之考劾不服流於邊及太子廢徙於上京

召和克原作忽古至殺之乾統初追贈龍虎衛上將軍

耶律實嚕原作石柳字楚旺原作酬宛六院部人祖圖丹原作獨顯南

院大王父愛實原作安十統軍副使實嚕原作石柳性剛直有經

世志始為牌印郎君大康初為伊勒希巴原作商畢郎君

時樞密使耶律伊遜原作乙辛誣殺皇后謀廢太子斥忠賢

進姦黨實嚕原作石柳惡其所為伊遜原作乙辛覺之太子既廢

以實嚕原作石柳附太子流鎮州天祚卽位召為御史中丞

時方治伊遜原作乙辛黨有司不以為意實嚕原作石柳上書曰

臣前為姦臣所陷斥竄邊郡幸蒙召用不敢隱默恩賞

明則賢者勸刑罰當則姦人消二者既舉天下不勞而

治臣見耶律伊遜原作乙辛身出寒微位居樞要竊權肆惡

不勝名狀蔽先帝之明誣陷順聖構害忠讜敗國罔上

自古所無賴廟社之休陛下獲纂成業積年之冤一旦

洗雪正陛下英斷克成孝道之秋如蕭特爾特原作里得

實伊遜原作乙辛之黨耶律赫嚕原作合魯亦不為早辨賴陛下

之明遂正其事臣見陛下多疑故有司顧望不切推問


伊遜原作乙辛在先帝朝權寵無比先帝若以順考為實則

伊遜原作乙辛為功臣陛下豈得立耶先帝黜逐嬖后詔陛下在左右是亦悔前非也陛下詎可忘父讐不報寬逆黨不誅今靈骨未獲而求之不切傳曰聖人之德無加於孝昔唐德宗因亂失母思慕悲傷孝道益著周公誅飛廉惡來天下大悅今逆黨未除大冤不報上無以慰順考之靈下無以釋天下之憤怨氣上結水旱為沴臣願陛下下明詔求順考之瘞所盡收逆黨以正邦憲快四方忠義之心昭國家賞罰之用然後致治之道可得而舉矣謹別錄順聖升遐及伊遜原作乙辛等事昧死以聞書奏不報聞者莫不歎惋乾統中遙授靜江軍節度使卒子瑪格原作馬哥同中書門下平章事論曰易言履霜堅冰至謹始也使道宗能從嚴壽薩喇原作撒刺之諫后何得而誣太子何得而廢哉蘇色原作速撒托

卜嘉原作捷不也以忠言見殺國欲無亂得乎實嚙原作石柳之書亦幸出於伊遜原作乙辛既敗之後獲行其說有國家者可不知人哉

遼史卷九十九

德陽劉子雄校字
成都方守道覆校



遼史卷一百

元中書右丞相總裁托克托等修

列傳第三十

耶律唐古

蕭塔喇台

蕭綽哈

耶律章努

耶律珠展

耶律唐古原作棠古字富僧額原作速宛六院郎君噶拉原作葛刺之後太康中補本班郎君累遷至大將軍性坦率好別白黑人有不善必盡言無隱時號強唐古原作棠古在朝數論宰相得失由是久不得調後出為西北戍長乾統三年蕭塔喇台原作里底為西北路招討使以后族慢侮僚吏唐古原作棠古不屈乃罷之唐古原作棠古訟之朝不省天慶初烏爾古原作烏古德略原作敵烈叛召拜烏爾古原作烏古部節度

使至部諭降之遂出私財及發富民積以振其困乏部民大悅加鎮國上將軍會蕭塔喇台原作得以都統率

兵與金人戰敗績唐古原作請以軍法論且曰臣雖老

願為國破敵不納保大元年乞致仕明年天祚出奔唐

古原作謁於倒塌嶺為上流涕上慰止之復拜烏爾古

烏原作部節度使及至部德呼原作以五千人來攻唐古

棠原作率家奴擊破之加太子太傅年七十二卒

蕭塔喇台原作得字扎林原作晉王孝先之孫父薩木

撒原作歷官使相塔喇台原作得短而僂外謹內倨太康

中補祇候郎君稍遷興聖宮副使兼同知中丞司事大

安中燕王妃生子塔喇台原作得以妃叔故歷甯遠軍

節度使長甯宮使壽隆二年監討達勒達原作博索

摩原作拔二部多俘而還改同知南京留守事乾統元

年為北面林牙同知北院樞密事受詔與北院樞密使

耶律阿蘇原作治伊遜原作餘黨阿蘇原作納賄多出

其罪塔喇台原作得不能制亦附會之四年知北院樞

密事夏王李乾順為宋所攻遣使請和解六年詔塔喇

台原作得與南院樞密使牛溫舒使宋平之宋既許塔

喇台原作得受書之日乃曰始奉命取要約歸不見書

辭豈敢徒還遂對宋主發函而讀既還朝議為是天慶

三年加守司徒封蘭陵郡王女直初起廷臣多欲乘其

未備舉兵往討塔喇台原作得獨阻之以至敗衄天祚

以塔喇台原作得不合人望出為西南面招討使八年

召為北院樞密使寵任彌篤是時諸路大亂飛章告急

者絡繹而至塔喇台原作得不即上聞有功者亦無甄

別由是將校怨怒人無鬪志保大二年金兵至嶺東會

耶律薩巴原作撒八習騎薩巴原作撒跋等謀立晉王額魯溫原作
 敖盧事泄上召塔喇台原作里底議曰反者必以此兒為
 名若不除去何以獲安塔喇台原作里底唯唯竟無一言
 申理王既死人心益離金兵踰嶺天祚率衛兵西遁元
 妃蕭氏塔喇台原作里底之姪謂塔喇台原作里底曰爾任
 國政致君至此何以生為塔喇台原作里底但謝罪不能
 對明日天祚怒逐塔喇台原作里底與其子茂薩原作撒塔
 喇台原作里底既去為耶律高善努原作山奴執送金兵塔喇
 台原作里底伺守者怠脫身亡歸復為耶律糾堅原作九斤所
 得送之耶律渚時渚已僭號塔喇台原作里底自知不免
 詭曰吾不能事僭竊之君不食數日卒子茂薩原作撒為
 金兵所殺

蕭綽哈原作酬翰字額勒本原作里本訛國舅少父房之後祖阿

拉原作阿剌終採訪使父必埒哩原作里剌以后父封趙王綽
 哈原作酬翰貌雄偉性和易年十四尙越國公主拜駙馬都
 尉為祇候郎君班詳袞原作詳穩年十八封蘭陵郡王時帝
 欲立皇孫為嗣恐無以解天下疑出綽哈原作酬翰為國舅
 詳袞原作詳穩降皇后為惠妃遷於乾州初綽哈原作酬翰母入
 朝擅取驛馬至是覺奪其封號復與妹魯姐為巫蠱伏
 誅詔綽哈原作酬翰與公主離婚籍興聖宮流烏爾古原作烏古
 德喀原作敵烈部天慶中以妹惠妃復尊為太皇太妃召綽
 哈原作酬翰為南女直詳袞原作詳穩遷征東副統軍時饒州渤
 海作亂乃與駙馬都尉蕭罕嘉努原作家奴韓襲其不備平
 之復敗敵將侯槃於川州是歲東京陷遇敵來擊師潰
 獨綽哈原作酬翰率麾下數人力戰歿於陣追贈龍虎衛上
 將軍

耶律章努原字塔瑪雅原未行季父房之後父察喇原查刺養高不仕章努原明敏善談論大安中補牌印郎君乾統元年累遷右中丞兼領牌印宿直事六年以直宿不謹降知內客省事天慶四年授東北路統軍副使五年改同知咸州路兵馬事及天祚親征女直蕭呼敦原胡篤為先鋒都統章努原為都監大軍渡鴨子河章努原與魏國王溥妻兄蕭敵里及甥蕭雅魯原等謀立溥誘將卒三百餘人亡歸既而天祚為女直所敗章努原乃遣敵里雅嚕原以廢立事馳報溥猶豫不決會行宮使者伊遜原信持天祚御札至備言章努原叛命溥對使者號哭即斬敵里雅嚕原首以獻天祚章努原見溥不從誘草寇數百攻掠上京取府庫財物至祖州率僚屬告太祖廟云我大遼基業

由太祖百戰而成今天下土崩竊見興宗皇帝孫魏國王溥道德隆厚能理世安民臣等欲立以主社稷會溥適好草甸大事未遂邇來天祚惟耽樂是從不恤萬幾強敵肆侮師徒敗績加以盜賊蜂起邦國危於累卵臣等忝預族屬世蒙恩渥上欲安九廟之靈下欲救萬民之命乃有此舉實出至誠冀累聖垂祐西至慶州復祀諸廟仍述所以舉兵之意移檄州縣諸陵官僚士卒稍稍屬心時饒州渤海及侯槩等相繼來應眾至數萬趨廣平淀其黨耶律農古原女古等暴橫不法劫掠婦女財畜章努原度不能制內懷悔恨又攻上京不克北走降虜上順國女直阿古齊原鶻產率兵追敗之殺其將耶律彌里直擒貴族二百餘人其妻子配役繡院或散諸近侍為婢餘得脫者皆遁去章努原詐為使者欲

奔女直爲邏者所獲縛送行在伏誅

耶律珠展

原作

字能登

原作

能典裕悅

原作

于越

巴古濟

原作

蒲古只

之後魁偉雄辯乾統初補祇候郎君六年因柴冊加觀

察使天慶五年受詔監都統耶律斡里朶戰及敗左遷

銀州刺史徙咸州糾將與耶律章努

原作

謀立魏國王

原作

章奴

涪及聞章努

原作

自鴨子河亡去

即引麾下數人往會

之道爲游兵所執送行在所上問曰予何負卿而反珠

展

原作

對曰臣誠無憾但以天下大亂已非遼有小人

滿朝賢臣竄斥誠不忍見天皇帝艱難之業一旦土崩

臣所以痛入骨髓而有此舉非爲身計後數日復問珠

展

原作

厲聲數上過惡陳社稷危亡之本遂殺之

原作

骨鯁

論曰遼末同事之臣其善惡何相遠也唐古

原作

棠古骨鯁

原作

平亂

不屈權要兩鎮烏爾古

原作

恩威並著綽哈

原作

酬幹

渤海又以討叛力戰而死忠可尚矣塔喇台

原作

得縱

女直而不討寢變告而不聞蔽主聰明爲國階亂莫斯

之甚也章努

原作

珠展

原作


乘時多艱潛謀廢立將求

寵幸以犯大逆其得免於天下之戮哉

遼史卷一百

德陽劉子雄校字

成都方守道覆校



遼史卷一百一

元中書右丞相總裁托克托等修
列傳第三十一

蕭托斯和

耶律阿息保

蕭伊實

蕭呼敦

蕭托斯和原作陶蘇幹字伊實揚原作乙辛隱圖魯卜原作突呂不部人四世祖音濟原作因吉髮長五尺時呼為長髮音濟原作因吉祖哩巴原作里拔阿爾威原作奧腕部節度使托斯和原作蘇幹願不妄交伯父瑠格原作留哥坐事免官聞重元亂挈家赴行在托斯和原作蘇幹雖幼已如成人補筆硯實達爾原作小累遷祇候郎君轉樞密院侍御咸雍五年遷崇德宮使會有訴北南院聽訟不直者事下托斯和原作蘇幹悉改正之為耶律阿蘇原作阿思所忌帝欲召用輒為所沮八

年歷漠北滑水馬羣太保數年不調嘗曰用才未盡不
若閑乾統中遷漠南馬羣太保以大風傷草馬多死鞭
之三百免官九年徙天齊殿宿衛明年穀價翔踊宿衛
士多不給托斯和原作陶出私廩賙之召同知南院樞
密使事天慶四年為漢人行宮副部署時金兵初起攻
陷甯江州天祚召羣臣議托斯和原作陶曰女直國雖
小其人勇而善射自執我叛人蕭哈里原作海里勢益張我
兵久不練若遇強敵稍有不利諸部離心不可制矣為
今之計莫若大發諸道兵以威壓之庶可服也北院樞
密使蕭塔喇台原作得里底曰如托斯和原作陶之謀徒示
弱耳但發滑水以北兵足以拒之遂不用其計數月間
邊兵屢北人益不安饒州渤海結構頭下城以叛有步
騎三萬餘招之不下托斯和原作陶帥兵往討擒其渠

魁斬首數千級得所掠物悉還其主及耶律章努原作章奴

叛托斯和原作陶與留守耶律大悲努原作大為守禦

章努原作章奴既平托斯和原作陶請曰今邊兵懈弛若清

暑嶺西則漢人嘯聚民心益搖臣愚以為宜罷此行不

納乃命托斯和原作陶控扼東路招集散卒後以太子

太傅致仕卒

耶律阿息保字達爾丹原作特里典五院部人祖呼哩原作胡劣

太祖時徙居西北部世為招討司吏阿息保慷慨有大

志年十六有才幹補內史天慶初轉樞密院侍御金人

起兵城境上遣阿息保問之金人曰若歸阿蘇原作阿疏敢

不聽命阿息保具以聞金兵陷甯江州邊兵屢敗遣阿

息保與耶律章努原作章奴等齎書而東冀以脅降阿息保

曰臣前使依詔開諭略無所屈將還謂臣曰若所請不

遂無相見今臣請獨往不聽將行別蕭塔喇台原作得里底
曰不肯適異國必無生還願公善輔國家既至阿息保
見執久乃遁歸及天祚敗績遷都巡捕使六年從阿蘇
原作阿蘇討耶律章努原作章奴加領軍衛大將軍阿蘇原作阿蘇將
兵而東阿息保送至軍乃還天祚怒其專鞭之三百尋
為奚六部圖哩原作秃里太尉後阿蘇原作阿蘇反阿息保以偏
師進擊臨陣墜馬被擒因阿蘇原作阿蘇有舊得免時阿蘇
原作阿蘇頗好殺阿息保謂曰欲舉大事何以殺為由是全
活者眾會阿蘇原作阿蘇敗乃還以戰失利囚中京數歲保
大二年金兵至中京始出獄尋為德噶原作敵烈皮室詳袞
原作詳穩是時魏王溥僭號屢遣人以書來招阿息保封書
以獻因諫曰東兵甚銳未可輕敵及石輦驛之敗天祚
奔竄召阿息保不時至疑有貳心并怒為溥所招殺之

初阿息保知國將亡前後諫甚切及死以非罪人尤惜之

蕭伊實原作乙薛字特默原作特免國舅少父房之後性謹愿壽
隆間屢任劇官天慶初知國舅詳袞原作詳穩事遷殿前副
點檢金兵起為行軍副都統以戰失利罷職六年出為
武定軍節度使遷西京留守明年討劇賊董龐兒戰易
水西大破之以功為北府宰相加左僕射兼東北路都
統十年金兵陷上京詔兼上京留守東北路統軍使為
政寬猛得宜民之窮困者輒加振恤眾咸愛之保大二
年金兵大至伊實原作乙薛軍潰左遷西南面招討使以部
民流散不赴及天祚播遷給侍從不闕拜殿前都點檢
凡金兵所過諸營敗卒復聚上京遣伊實原作乙薛為上京
留守以安撫之明年盧彥倫以城叛伊實原作乙薛被執數

月以居官無過得釋後為耶律達實原作大石所殺

蕭呼敦原作胡篤字哈準原作木隱合其先蘇克濟原作葛只撤太祖

時願隸宮分遂為太和宮分人曾祖達魯原作敵魯明醫人

有疾觀其形色即知病所在統和中宰相韓德讓貴寵

達魯原作敵魯希旨言德讓宜賜國姓籍橫帳由是世預太

醫選子孫因之入官者眾呼敦原作胡篤為人便佞與物無

忤清甯初補近侍大安元年為彰愍宮太師壽隆二年

轉永興宮太師天慶初累遷至殿前副點檢五年從天

祚東征為先鋒都統臨事猶豫凡隊伍皆以圍場名號

之進至拉林原作刺离水與金兵戰敗大軍亦却及討耶律

章努原作章奴以籍私奴為軍遷知北院樞密使事卒呼敦

原作胡篤長於騎射見天祚好游畋每言從禽之樂以逢其

意天祚悅而從之國政隳廢自此始云

論曰甚矣承平日久上下狃於故常之可畏也天慶之

間女直方熾惟托斯和原作蘇幹明於料敵善於忠諫惜

乎天祚痼蔽不見信用阿息保不死阿蘇原作阿疏之難伊

實原作乙薛甘忍盧彥倫之執大節已失他有所長亦奚足

取呼敦原作胡篤以游畋逢迎天祚而隳國政可勝罪哉

遼史卷一百一

德陽劉子雄校字
成都方守道覆校

遼史卷一百一

元中書右丞相總裁托克托等修

列傳第三十二

蕭奉先

李處溫

張琳

耶律伊都

蕭奉先天祚元妃之兄也外寬內忌因元妃為上眷倚累官樞密使封蘭陵郡王天慶二年上幸混同江釣魚故事生女直酋長在千里內者皆朝行在適頭魚宴上使諸酋次第歌舞為樂至阿古達原作阿骨打但端立直視辭以不能再三旨諭不從上密謂奉先曰阿古達原作阿骨打義且無大過殺之傷向化心設有異志叢爾小國亦何能為上乃止四年阿古達原作阿骨打起兵犯甯江州東北

路統軍使蕭托卜嘉原作撻不也戰失利上命奉先弟嗣先
爲都統將番漢兵往討屯出河店女直乃潛渡混同江
乘我師未備擊之嗣先敗績軍將往往遁去奉先懼弟
被誅乃奏東征潰軍逃罪所至劫掠若不肆赦將嘯聚
爲患從之嗣先詣闕待罪止免官而已由是士無鬪志
遇敵輒潰郡縣所失日多初奉先誣耶律伊都原作余觀結
駙馬蕭昱謀立其甥晉王事覺殺昱伊都原作余觀在軍中
聞之懼奔女直保大二年伊都原作余觀爲女直監軍引兵
奄至上憂甚奉先曰伊都原作余觀乃王子班之苗裔此來
實無亡遼心欲立晉王耳若以社稷計不惜一子誅之
可不戰而自退遂賜晉王死中外莫不流涕人心益解
體當女直之兵未至也奉先逢迎天祚言女直雖能攻
我上京終不能遠離巢穴而一旦越三千里直擣雲中

計無所出惟請播遷夾山天祚方悟顧謂奉先曰汝父
子誤我至此殺之何益汝去毋從我行恐軍心忿怒禍
必及我奉先父子慟哭而去爲左右執送女直兵女直
兵斬其長子昂送奉先及次子昱於其國主道遇我兵
奪歸天祚並賜死

李處溫析津人伯父儼太康初爲將作少監累官參知
政事封漆水郡王雅與北樞密使蕭奉先有舊執政十
餘年善逢迎取媚天祚又寵任之儼卒奉先薦處溫爲
相處溫因奉先有援已力傾心阿附以固權位而貪汚
尤甚凡所接引類多小人保大初金人陷中京諸將莫
能支天祚懼奔夾山兵勢日迫處溫與族弟處能子奭
外假淵原作怨軍聲援結都統蕭幹謀立魏國王溥召番
漢官屬詣魏王府勸進魏王將出奭乃持赭袍衣之令

百官拜舞稱賀魏王固辭不得遂稱天錫皇帝以處溫守太尉處能直樞密院爽爲少府少監左企弓以下及親舊與其事者賜官有差會魏國王病自知不起密授處溫番漢馬步軍都元帥意將屬以後事及病亟蕭幹等矯詔南面宰執入議獨處溫稱疾不至陰聚勇士爲備給云奉密旨防他變魏國王卒蕭幹擁契丹兵宣言當立王妃蕭氏爲太后權主軍國事眾無敢異者幹以后命召處溫至時方多難未欲卽誅但追毀元帥劄子處能懼及禍落髮爲僧尋有永清人傅遵說隨郭藥師入燕被擒具言處溫嘗遺易州富民趙履仁書達宋將童貫欲挾蕭后納土歸宋后執處溫問之處溫曰臣父子於宣宗有定策功宜世蒙宥容可使因讒獲罪后曰向使魏國王如周公則終享親賢之名於後世誤王者

皆汝父子何功之有并數其前罪惡處溫無以對乃賜死爽亦伏誅

張琳瀋州人幼有大志壽隆末爲祕書中允天祚卽位累遷戶部使頃之擢南府宰相初天祚之敗於女直也意謂蕭奉先不知兵乃召琳付以東征事琳以舊制凡軍國大計漢人不與辭之上不允琳奏曰前日之敗失於輕舉若用漢兵二十萬分道進討無不克者上許其半仍詔中京上京長春遼西四路計戶產出軍時有起至二百軍者生業蕩散民甚苦之四路軍甫集尋復遁去及中京陷天祚幸雲中留琳與李處溫佐魏國王溥守南京處溫父子召琳欲立溥爲帝琳曰王雖帝胄初無上命攝政則可卽眞則不可處溫曰今日之事天人所與豈可易也琳雖有難色亦勉從之溥旣稱帝諸將

咸居權要琳獨守太師十日一朝平章軍國大事陽以
元老尊之實則不使與政琳由是鬱悒而卒

耶律伊都原作余觀一名伊都古原作余都姑國族之近者也慷

慨尚氣義保大初厯官副都統其妻天祚文妃之妹文

妃生晉王最賢國人皆屬望時蕭奉先之妹亦為天祚

元妃生秦王奉先恐秦王不得立深忌伊都原作余觀將潛

圖之適耶律達哈拉原作葛里之妻會伊都原作余觀之妻於

軍中奉先諷人誣伊都原作余觀結駙馬蕭昱達哈拉原作葛里

謀立晉王尊天祚為太上皇事覺殺昱及達哈拉原作葛里

被誅即引兵千餘并骨肉軍帳叛歸女直會大霖雨道

途留阻天祚遣知奚王府蕭錫默原作遐買北宰相蕭德恭

大常袞耶律諦里姑歸州觀察使蕭和尙努原作尙奴和四

軍太師蕭幹追捕甚急至間山及之諸將議曰蕭奉先

恃寵蔑害官兵伊都原作余觀乃宗室雄才素不肯為其下

若擒之則他日吾輩皆伊都原作余觀矣不如縱之還給云

追襲不及伊都原作余觀既入女直為其國前鋒引羅索原作

室貝勒原作字堇兵攻陷州郡不測而至天祚聞之大驚知

不能敵率衛兵入夾山伊都原作余觀在女直為監軍久不

調意不自安乃假遊獵遁西夏夏人問汝來有兵幾何

伊都原作余觀以二三百對夏人不納卒

論曰遼之亡也雖孽降自天亦柄國之臣有以誤之也

當天慶而後政歸后族奉先阻天祚防微之計陷晉王

非罪之誅夾山之禍已見於此矣處溫逼魏王以僭號

結宋將以賣國迹其姦佞如出一軌嗚呼天祚之所倚

毗者若此國欲不亡得乎張琳妮妮守位伊都原作余觀反

覆自困則又何足議哉

遼史卷一百二

德陽劉子雄校字
成都方守道覆校

遼史卷一百三

元中書右丞相總裁托克托等修
列傳第三十三

文學上

蕭罕嘉努

李澣

遼起松漠太祖以兵經略方內禮文之事固所未遑及
太宗入汴取晉圖書禮器而北然後制度漸以修舉至
景聖閒則科目聿興士有由下僚擢升侍從駸駸崇儒
之美但其風氣剛勁三面鄰敵歲時以蒐獮爲務而典
章文物視古猶闕然二百年之業非數君子爲之綜理
則後世惡所考述哉作文學傳

蕭罕嘉努原作韓家奴字糾堅原作休堅納喇原作湟刺部人中書令

安圖原作安搏之孫少好學弱冠入南山讀書博覽經史通

遼漢文字統和十四年始仕家有一牛不任驅策其奴得善價鬻之罕嘉努原作韓家奴曰利已誤人非吾所欲乃

歸直取牛二十八年為右通進典南京栗園重熙初同知三司使事四年遷天成軍節度使徙彰愍宮使帝與

語才之命為詩友嘗從容問曰卿居外有異聞乎罕嘉努原作韓家奴對曰臣惟知炒栗小者熟則大者必生大者

熟則小者必焦使大小均熟始為盡美不知其他蓋嘗掌栗園故託粟以諷諫帝大笑詔作四時逸樂賦帝稱

善時詔天下言治道之要制問徭役不加於舊征伐亦不常有年穀既登帑廩既貫而民重困豈為吏者慢為

民者情歟今之徭役何者最重何者尤苦何所蠲省則為便益補役之法何可以復盜賊之害何可以止罕嘉努原作韓家奴對曰臣伏見比年以來高麗未賓準布原作阻卜

猶強戰守之備誠不容已乃者選富民防邊自備糧糗

道路修阻動淹歲月比至屯所費已過半隻牛單轂鮮

有還者其無丁之家倍直傭儻人憚其勞半途亡竄故

戍卒之食多不能給求假於人則十倍其息至有鬻子

割田不能償者或逋役不歸在軍物故則復補以少壯

其鴨淶江之東戍役大率如此況渤海女直高麗合從

連衡不時征討富者從軍貧者偵候加之水旱菽粟不

登民日以困蓋勢使之然也方今最重之役無過西戍

如無西戍雖遇凶年困弊不至於此若能徙西戍稍近

則往來不勞民無深患議者謂徙之非便一則損威名

二則召侵侮三則棄耕牧之地臣謂不然準布原作阻卜諸

部自來有之曩時北至臚胸河南至邊境人多散居無

所統壹惟往來抄掠及太祖西征至於流沙準布原作阻卜

望風悉降西域諸國皆願入貢因遷種落內置三部以益吾國不營城邑不置戍兵準布原作阻累世不敢爲寇統和間皇太妃出師西域拓土旣遠降附亦衆自後一部或叛鄰部討之使同力相制正得馭遠人之道及城哈屯原作可敦開數千里西北之民徭役日增生業日殫警急旣不能救叛服亦復不恆空有廣地之名而無得地之實若貪土不已漸至虛耗其患有不勝言者況邊情不可深信亦不可頓絕得不爲益舍不爲損國家大敵惟在南方今雖連和難保他日若南方有變屯戍遼邈卒難赴援我進則敵退我還則敵來不可不慮也方今太平已久正可恩結諸部釋罪而歸地內徙戍兵以增保障外明約束以正疆界每部各置酋長歲修職貢叛則討之服則撫之諸部旣安必不生釁如是則臣雖不

能保其久而無變知其必不深入侵掠也或云棄地則損威殊不知殫費竭財以貪無用之地使彼小部抗衡大國萬一有敗損威豈淺或又云沃壤不可遽棄臣以爲土雖沃民不能久居一旦敵來則不免內徙豈可指爲吾土而惜之夫帑廩雖隨部而有此特周急部民一偏之惠不能均濟天下如欲均濟天下則當知民困之由而窒其隙節盤遊簡驛傳薄賦斂戒奢侈期以數年則困者可蘇貧者可富矣蓋民者國之本兵者國之衛兵不調則曠軍役調之則損國本且諸部皆有補役之法昔補役始行居者行者類皆富實故累世從戍易爲更代近歲邊虞數起民多匱乏旣不任役事隨補隨缺苟無上戶則中戶當之曠日彌年其窮益甚所以取代爲艱也非惟補役如此在邊戍兵亦然譬如一抔之土

豈能填尋丈之壑欲為長久之便莫如使遠戍疲兵還於故鄉薄其徭役使人人給足則補役之道可以復故也臣又聞有國家者不能無盜比年以來羣黎凋弊利於剽竊良民往往化為兇暴甚者殺人無忌至有亡命山澤基亂首禍所謂民以困窮皆為盜賊者誠如聖慮今欲芟夷本根願陛下輕徭省役使民務農衣食既足安習教化而重犯法則民趨禮義刑罰罕用矣臣聞唐太宗問羣臣治盜之方皆曰嚴刑峻法太宗笑曰寇盜所以滋者由賦斂無度民不聊生今朕內省嗜欲外罷游幸使海內安靜則寇盜自止由此觀之寇盜多寡皆由衣食豐儉徭役重輕耳今宜徙哈屯原作可敦城於近地與西南副都部署烏爾古原作烏古德呼原作敵烈威烏爾古原作隗鳥等部聲援相接罷黑嶺二軍并開保州皆隸東京

益以東北戍軍及南京總管兵增修壁壘候尉相望繕完樓櫓浚治城隍以為邊防此方今之急務也願陛下裁之擢翰林都林牙兼修國史仍詔諭之曰文章之職國之光華非才不用以卿文學為時大儒是用授卿以翰林之職朕之起居悉以實錄自是日見親信每入侍賜坐遇勝日帝與飲酒賦詩以相醺酢君臣相得無比罕嘉努原作家奴知無不言雖諧謔不忘規諷十三年春上疏曰臣聞先世約尼原作遙輦溫汗原作可汗之後國祚中絕自額爾奇木原作離董聶呼原作雅里立蘇爾威原作阻午大位始定然上世俗朴未有尊稱臣以為三皇禮文未備正與約尼原作遙輦氏同後世之君以禮樂治天下而崇本追遠之義興焉近者唐高祖創立先廟尊四世為帝昔我太祖代約尼原作遙輦即位乃製文字修禮法建天皇帝名

號制宮室以示威服興利除害混一海內厥後累聖相承自額爾奇木原作夷呼哩胡烈以下大號未加天皇帝之考額爾奇木原作夷達魯的魯猶以名呼臣以為宜依唐典追崇四祖為皇帝則陛下宏業有光墜典復舉矣疏奏帝納之始行追冊元德二祖之禮罕嘉努原作韓家每見帝獵未嘗不諫有司奏獵秋山熊虎傷死數十人罕嘉努原作韓家書於冊帝見命去之罕嘉努原作韓家既出復書他日帝見之曰史筆當如是帝問罕嘉努原作韓家我國國家創業以來孰為賢主罕嘉努原作韓家以穆宗對帝怪之曰穆宗嗜酒喜怒不常視人猶草芥卿何謂賢罕嘉努原作韓家對曰穆宗雖暴虐省徭輕賦人樂其生終穆之世無罪被戮未有過今日秋山傷死者臣故以穆宗為賢帝默然詔與耶律庶成錄約尼汗原作

遙輦可汗至重熙以來事迹集為二十卷進之十五年復詔曰古之治天下者明禮義正法度我朝之興世有明德雖中外嚮化然禮書未作無以示後世卿可與庶成酌古準今制為禮典事或有疑與北南院同議罕嘉努原作韓家既被詔博考經籍自天子達於庶人情文制度可行於世不繆於古者撰成三卷進之又詔譯諸書罕嘉努原作韓家欲帝知古今成敗譯通歷貞觀政要五代史時帝以其老不任朝謁拜歸德軍節度使以善治聞帝遣使問勞罕嘉努原作韓家表謝召修國史卒年七十二有六義集十二卷行於世李澣初仕晉為中書舍人晉亡歸遼當太宗崩世宗立恂恂不定澣與高勳等十餘人羈留南京久之從歸上京授翰林學士穆宗即位累遷工部侍郎時澣兄濤在

汴爲翰林學士密遣人召澣澣得書託求醫南京易服
夜出欲遁歸汴至涿爲徼巡者所得送之南京下吏澣
伺獄吏熟寢以衣帶自經不死防之愈嚴械赴上京自
投黃河中流爲鐵索牽掣又不死及抵上京帝欲殺之
時高勳已爲樞密使救止之屢言於上曰澣本非負恩
以母年八十急於省覲致罪且澣富於文學方今少有
倫比若留掌詞命可以增光國體帝怒稍解仍令禁錮
於奉國寺凡六年艱苦萬狀會上欲建太宗功德碑高
勳奏曰非李澣無可秉筆者詔從之文成以進上悅釋
囚尋加禮部尙書宣政殿學士卒
論曰統和重熙之間務修文治而罕嘉努原作韓家奴對策
落落累數百言槩可施諸行事亦遼之晁賈哉李澣雖
以詞章見稱而其進退不足論矣

遼史卷一百二

德陽劉子雄校字
成都方守道覆校

遼史卷一百四

元中書右丞相總裁托克托等修

列傳第三十四

文學下

王鼎

耶律昭

劉輝

耶律孟簡

耶律古雲

王鼎字虛中涿州人幼好學居太寧山數年博通經史時馬唐俊有文名燕薊閒適上巳與同志祓禊水濱酌酒賦詩鼎偶造席唐俊見鼎樸野置下座欲以詩困之先出所作索賦鼎援筆立成唐俊驚其敏妙因與定交清寧五年擢進士第調易州觀察判官改漆水縣令累遷翰林學士當代典章多出其手上書言治道十事帝

以鼎達政體事多咨訪鼎正直不阿人有過必面詆之
壽隆初升觀書殿學士一日宴主第醉與客忤怨上不
知已坐是下吏狀聞上大怒杖黥奪官流鎮州居數歲
有赦鼎獨不免會守臣召鼎爲賀表因以詩貽使者有
誰知天雨露獨不到孤寒之句上聞而憐之卽召還復
其職乾統六年卒鼎宰縣時憩於庭俄有暴風舉臥榻
空中鼎無懼色但覺枕榻俱高乃曰吾中朝端士邪無
干正可徐置之須臾榻復故處風遂止

耶律昭字述寧博學善屬文統和中坐兄果囉

原作國留事

流西北部會蕭達林

原作撻凜

爲西北路招討使愛之奏免

其役禮致門下欲召用以疾辭達林

原作撻凜

問曰今軍旅

甫罷三邊晏然惟準布

原作阻卜

伺隙而動討之則路遠難

至縱之則邊民被掠增戍兵則餽餉不給欲苟一時之

安不能終保無變計將安出昭以書答曰竊聞治得其
要則仇敵爲一家失其術則部曲爲行路夫西北諸部
每當農時一夫爲偵候一夫治公田二夫給糶官之役
大率四丁無一室處芻牧之事仰給妻孥一遭寇掠貧
窮立至春夏振恤吏多雜以糠粃重以培克不過數月
又復告困且畜牧者富國之本有司防其隱沒聚之一
所不得各就水草便地兼以逋亡戍卒隨時補調不習
風土故曰瘠月損馴至耗竭爲今之計莫若振窮薄賦
給以牛種使遂耕穫置游兵以防盜掠頒俘獲以助伏
臘散畜牧以就便地期以數年富彊可望然後練簡精
兵以備行伍何守之不固何動而不克哉然必去其難
制者則餘種自畏若捨大而謀小避強而攻弱非徒虛
費財力亦不足以威服其心此二者利害之機不可不

察昭聞古之名將安邊立功在德不在眾故謝元以八
千破苻堅百萬休格原作休哥以五隊敗曹彬十萬良由恩
結士心得其死力也閣下膺非常之遇專方面之寄宜
遠師古人以就勲業上觀乾象下盡人謀察地形之險
易料敵勢之虛實慮無遺策利施後世矣達林原作然
之開泰中獵於巴爾圖原作拔里堵山為羯羊所觸卒
劉輝好學善屬文疏簡有遠略太康五年第進士大安
未為太子洗馬上書言西邊諸番為患士卒遠戍中國
之民疲於飛輓非長久之策為今之務莫若城於鹽澤
實以漢戶使耕田聚糧以為西北之費言雖不行識者
避之壽隆二年復上書曰宋歐陽修編五代史附我朝
於四夷妄加貶訾且宋人賴我朝寬大許通和好得盡
兄弟之禮今反令臣下妄意作史恬不經意臣請以趙

氏初起事蹟詳附國史上嘉其言遷禮部郎中詔以賢
良對策輝言多中時病擢史館修撰卒

耶律孟簡字復易裕悅原作于越烏哲原作屋質之五世孫父瑠

嘉努原作家奴官至節度使孟簡性穎悟六歲父晨出獵

俾賦曉天星月詩孟簡應聲而成父大奇之既長善屬

文太康初樞密使耶律伊遜原作乙辛以姦險竊柄出為中

京留守孟簡與耶律庶箴表賀未幾伊遜原作乙辛復舊職

銜之謫巡磁窯關時雖以讒見逐不形辭色遇林泉勝

地終日忘歸明年流保州及聞皇太子被害不勝哀痛

以詩傷之作放懷詩二十首自序云禽獸有哀樂之聲

螻蟻有動靜之形在物猶然況於人乎然賢達哀樂不

在窮通禍福之閒易曰樂天知命故不憂是以顏淵簞

瓢自得此知命而樂者也予雖流放以道自安又何疑

耶太康中始得歸鄉里詣闕上表曰本朝之興幾二百年宜有國史以垂後世乃編耶律赫魯原作烏魯皆原作屋質休格原作休哥三人行事以進上命置局編修孟簡謂餘官曰史筆天下之大信一言當否百世從之苟無明識好惡徇情則禍不測故左氏司馬遷班固范曄俱罹殃禍可不慎歟乾統中遷六院部太保處事不拘文法時多笑其迂孟簡聞之曰上古之時無簿書法令而天下治蓋簿書法令適足以滋姦倖非聖人致治之本改高州觀察使修學校招生徒遷昭德軍節度使以中京饑詔與學士劉嗣昌減價糶粟事未畢卒

耶律古雲

原作谷欲

字糾堅

原作休堅

六院部人父阿古齊

原作阿古

只官至節度使古雲

原作谷欲

冲澹有禮法工文章統和中

為本部太保開泰中稍遷塔布

原作塌母

城節度使鞫霸州

疑獄稱旨授啓聖軍節度使太平中復為本部太保謝病歸俄擢南院大王歎風俗日頹請老不許興宗命為詩友數問治要多所匡建奉詔與林牙耶律庶成蕭罕嘉努原作韓家奴編遼國上世事迹及諸帝實錄未成而卒年九十

論曰孔子言誦詩三百授之以政不達雖多亦奚以為王鼎忠直達政劉輝侍青宮建言國計昭陳邊防利害皆洞達闔敏孟簡疾伊遜原作乙辛姦邪黜而不怨孰謂文學之士無益於治哉

德陽劉子雄校字
成都方守道覆校

遼史卷一百五

元中書右丞相總裁托克托等修
列傳第三十五

能吏

大公鼎

蕭文

馬人望

耶律都勒幹

楊遵勛

王棠

漢以璽書賜三千石唐疏刺史縣令於屏以示獎率故
二史有循吏良吏之傳遼自太祖創業太宗撫有燕薊
任賢使能之道亦略備矣然惟朝廷參置國官吏州縣
者多遵唐制歷世既久選舉益嚴時又分遣重臣巡行
境內察賢否而進退之是以治民理財決獄弭盜各有
其人考其德政雖未足以與諸循良之列抑亦可謂能

吏矣作能吏傳

大公鼎渤海人先世籍遼陽率賓縣統和間徙遼東豪右以實中京因家於大定曾祖忠禮賓使父信興中主簿公鼎幼莊愿長而好學咸雍十年登進士第調瀋州觀察判官時遼東雨水傷稼北樞密院大發瀕河丁壯以完隄防有司承令峻急公鼎獨曰邊障甫寧大興役事非利國便農之道乃疏奏其事朝廷從之罷役水亦不爲災瀕河千里人莫不悅改良鄉令省徭役務農桑建孔子廟學部民服化累遷興國軍節度副使時有隸鷹坊者以羅畢爲名擾害田里歲久民不堪公鼎言於上卽命禁戢會公鼎造朝大臣諭上嘉納之意公鼎曰一郡獲安誠爲大幸他郡如此者眾願均其賜於天下從之徙長春州錢帛都提點車駕如春水貴主例爲假

貸公鼎曰豈可輟官用徇人情拒之頗聞怨詈語曰此吾職不敢廢也俄拜大理卿多所平反天祚卽位歷長寧軍節度使南京副留守改東京戶部使時盜殺留守蕭保先始利其財因而倡亂民亦互生猜忌家自爲鬪公鼎單騎行郡陳以禍福眾皆投兵而拜曰是不欺我敢弗聽命安輯如故拜中京留守賜貞亮功臣乘傳赴官時盜賊充斥有遇公鼎於路者卽叩馬乞自新公鼎給以符約俾還業聞者接踵而至不旬日境內清肅天祚聞之加賜保節功臣時人心反側公鼎慮生變請布恩惠以安之爲之肆赦公鼎累表乞歸不許會奴賊張薩巴原作撒八率無賴嘯聚公鼎欲擊而勢有不能嘆曰吾欲謝事久矣爲世故所牽不幸至此豈命也夫因憂憤成疾保大元年卒年七十九子昌齡左承制昌嗣洛州

刺史昌朝鎮寧軍節度

蕭文宇國華外戚之賢者也父直善安州防禦使文篤志力學喜愠不形太康初掌秦越國王中丞司事以才幹稱尋知北面帖黃王邦彥子爭廕數歲不能定有司以聞上命文詰之立決車駕將還宮承詔閱習儀衛雖執事林林指顧如一遷同知奉國軍節度使歷國舅都監壽隆未知易州兼西南面安撫使高陽土沃民富吏其邑者每黷於貨民甚苦之文始至悉去舊弊務農桑崇禮教民皆化之時大旱百姓憂甚文禱之輒雨屬縣又蝗議捕除之文曰蝗天災捕之何益但反躬自責蝗盡飛去遺者亦不食苗散在草莽爲烏鵲所食會霍雨不止文復隨禱而霽是歲大熟朝廷以文可大用遷唐古部節度使高陽勒石頌之後不知所終

馬人望字儼叔高祖允卿爲石晉青州刺史太祖兵至堅守不降城破被執太祖義而釋之徙其族於醫巫閭山因家焉曾祖廷煦南京留守祖淵中京副留守父詮中京文思使人望穎悟幼孤長以才學稱咸雍中第進士爲松山縣令歲運澤州官炭獨役松山人望請於中京留守蕭托歡原作吐渾均役他邑托歡原作吐渾怒下吏繫幾百日復引詰之人望不屈蕭喜曰君爲民如此後必大用以事聞於朝悉從所請徙知涿州新城縣與宋接壤驛道所從出人望治不擾吏民畏愛近臣有聘宋還者帝問以外事多薦之擢中京度支司鹽鐵判官轉南京三司度支判官公私兼裕遷警巡使京城訟獄填委人望處決無一冤者會檢括戶口未兩旬而畢同知留守蕭保先怪而問之人望曰民產若括之無遺他日必

長厚斂之弊大率十得六七足矣保先謝曰公慮遠吾不及也先是樞密使伊遜原作乙辛竊弄威柄卒害太子及天祚嗣位將報父仇選人望與蕭報恩究其事人望平心以處所活甚眾改上京副留守會劇賊趙鍾格原作鍾哥犯闕劫宮女御物人望率眾捕之右臂中矢炷以艾力疾馳逐賊棄所掠而遁人望令關津譏察行旅悉獲其盜尋擢樞密都承旨宰相耶律儼惡人望與已異遷南京諸宮提轄制置歲中爲保靜軍節度使有二吏兇暴民畏如虎人望假以辭色陰令發其事黥配之是歲諸處饑乏惟人望所治粒食不闕路不鳴桴遙授彰義軍節度使遷中京度支使始至府廩皆空視事半歲積粟十五萬斛錢二十萬緡徙左散騎常侍累遷樞密直學士未幾拜參知政事判南京三司使事時錢粟出納之

弊惟燕爲甚人望以縑帛爲通歷凡庫物出入皆使別籍名曰臨庫姦人黠吏莫得軒輊乃以年老揚言道路朝論不察改南院宣徽使以示優老踰年天祚手書宣馬宣徽四字詔之既至諭曰以卿爲老誤聽也遂拜南院樞密使人不敢干以私用人必公議所當與者如曹勇義虞仲文嘗爲姦人所擠人望推薦皆爲名臣當時民所甚患者驛遞馬牛旗鼓鄉正廳隸倉司之役至破產不能給人望使民出錢官自募役時以爲便久之請老以守司徒兼侍中致仕卒諡曰文獻人望有操守喜怒不形未嘗附麗求進初除執政家人賀之人望愀然曰得勿喜失勿憂抗之甚高擠之甚酷其畏慎如此

耶律都勒幹原作鐸字伊實揚原作乙辛季父房之後廉約重義重熙末給事誥院咸雍中累遷同知南京留守

事被召以部民懇留賜詔褒獎太康初改西南面招討使為北面林牙遷左伊勒希巴原作夷大安五年拜南

府宰相壽隆初致仕卒都勒幹原作鐸所至有聲吏民

畏愛及退居鄉里子布庫原作烏爾古部節度

使遣人來迎既至見積委甚富謂布庫原作烏爾古曰辭親入

仕當以裕國安民為事枉道欺君以苟貨利非吾志也

命駕而歸布庫原作普古後為盜所殺

楊遵勛字益誠涿州范陽人重熙十九年登進士第調

儒州軍事判官累遷樞密院副承旨咸雍三年為宋國

賀正使還遷都承旨天下之事叢於樞府簿書填委遵

勛一目五行俱下剖決如流數奏詳敏上嘉之奉詔徵

戶部通錢得四十餘萬繙拜樞密直學士改樞密副使

太康初參知政事徙知樞密院事兼門下侍郎平章事

拜南府宰相耶律伊遜原作乙辛誣太子詔遵勛與雅克原作

哥案其事遵勛不敢正言時議短之尋拜北府宰相大

安中暴卒年五十六贈守司空諡康懿子晦終昭文館

學士

王棠涿州新城人博古善屬文重熙十五年擢進士鄉

貢禮部廷試對皆第一累遷上京鹽鐵使或誣以賄無

狀釋之遷東京戶部使太康二年遼東饑民多死請振

恤從之三年入為樞密副使拜南府宰相大安末卒棠

練達朝政臨事不怠在政府修明法度有聲

論曰孟子謂民為貴社稷次之司牧者當如何以盡心

公鼎奏罷完隄役以息民拒公主假貸以守法單騎行

郡化盜為良庶幾召杜之美文知易州雨暘應禱蝗不

為災人望為民不避囚繫判度支公私兼裕亦卓乎未

易及已都勒幹原作鐸吏畏民愛楊遵勛決事如流真能吏哉

德陽劉子雄校字
成都方守道覆校

遼史卷一百五

遼史一百六

元中書右丞相總裁托克托等修
列傳第三十六

卓行

蕭扎拉

耶律官努

蕭普爾布

遼之共國任事耶律蕭二族而已二族之中有退然自足不淫於富貴不詘於聲利可以振頽風激薄俗亦足嘉尙者得三人焉作卓行傳

蕭扎拉原作字虛輦北府宰相巴雅爾原作之弟性介

特不事生業保寧間以戚屬進累遷寧遠軍節度使秩滿里居淡泊自適統和末召為南京馬步軍都指揮使以疾求退不聽遷伊勒希巴原作夷又以疾辭許之遂

入頡山杜門不出上嘉其志不復徵扎拉原作自是家
於頡山親友或過之終日言不及世務凡宴遊相邀亦
不拒一歲山居過半與世俗不偶耶律資忠重之目曰
頡山老人卒

耶律官努原作字奚隱林牙幹魯之孫沈厚多學詳於

本朝世系嗜酒好佚初徵為宿直將軍重熙九年以疾

去官上以官努原作屬尊欲成其志乃許自擇一路節

度使官努原作辭曰臣愚鈍不任官使加歸義軍節度

使輒請致政官努原作與烏里特原作部人蕭哇友善

哇謂官努原作曰仕不能致主澤民成大功烈何屑屑

為也吾與若居林下以枕簟自隨觴詠自樂雖不官無

嫌焉官努原作然之時稱一一逸乾統間卒

蕭普爾布 原作 蕭字緩蘭 魏國王惠之四世孫父

母蚤喪鞠於祖父烏爾古納原作性孝悌年十三烏

爾古納原作卒自以早失怙恃復遭祖喪哀毀踰禮

族里嘉歎嘗謂人曰我於親不得終養今誰為訓者苟

不自勉何以報鞠育恩自是力學於文藝無不精乾統

間以烏爾古納原作之故召之不應常與親識遊獵

山水奉養無長物僕隸欣欣如也或曰公胡不念以嗣

先世功名答曰自度不足以濟先業年踰強仕安能益

主庇民累徵皆以疾辭晚年謝絕人事卜居瑪古原作

山屏遠葦茹潛心佛書延有道者談論彌日人問所得

何如但曰有深樂惟覺六鑿不相攘餘無知者一日易

服無疾而逝

論曰隱固未易為也而亦未可輕以與人若扎拉原作
謝職不談時務官努原作兩辭節鎮普爾布原作蒲召

而不赴雖未足謂之隱然在當時能知內外之分甘於肥遯不猶愈於求富貴利達而為妻妾羞者哉故稱卓行可也

德陽劉子雄校字
成都方守道覆校

遼史卷一百六

遼史卷一百七

元中書右丞相總裁托克托等修
列傳第三十七

列女

邢簡妻陳氏

耶律氏常格

耶律努妻蕭氏

耶律珠展妻蕭氏

耶律中妻蕭氏

男女居室人之大倫與其得烈女莫若得賢女天下而有烈女之名非幸也詩讚衛共姜春秋褒宋伯姬蓋不得已所以重人倫之變也遼據北方風化視中土為疏終遼之世得賢女二烈女三以見人心之天理有不與世道存亡者

邢簡妻陳氏營州人父陞五代時累官司徒陳氏甫笄

涉通經義凡覽詩賦輒能誦尤好吟詠時以女秀才名
之年二十歸於簡孝舅姑閨門和睦親黨推重有六子
陳氏親教以經後二子抱朴抱質皆以賢位宰相統和
十二年卒睿智皇后聞之嗟悼贈魯國夫人刻石以表
其行及遷祔遣使以祭論者謂貞靜柔順婦道母儀始
終無歎云

耶律氏太師適魯之妹小字常格

原作常哥

幼爽秀有成人

風及長操行修潔自誓不嫁能詩文不苟作讀通歷見
前人得失歷能品藻咸雍間作文以述時政其略曰君
以民爲體民以君爲心八主當任忠賢人臣當去比周
則政化平陰陽順欲懷遠則崇恩尚德欲強國則輕徭
薄賦四端五典爲治教之本六府三事實生民之命淫
侈可以爲戒勤儉可以爲師錯枉則人不敢詐顯忠則

人不敢欺勿泥空門崇節土木勿事邊鄙妄費金帛滿
當思溢安必慮危刑罰當罪則民勸善不寶遠物則賢
者至建萬世磐石之業制諸部強橫之心欲率下則先
正身欲治遠則始朝廷上稱善時樞密使耶律伊遜原作
乙愛其才屢求詩常格原作常哥遺以回文伊遜原作
乙諷已銜之太康三年皇太子坐事伊遜原作
乙跡獲免會兄適魯謫鎮州常格原作常哥與俱嘗布衣蔬食
人問曰何自苦如此對曰皇儲無罪遭廢我輩豈可美
食安寢及太子被害不勝哀痛年七十卒於家

耶律努

原作奴

妻蕭氏小字意辛國舅駙馬都尉托斯和

原作陶

之女母呼敦

原作胡獨

公主意辛美姿容年二十始

適努

原作奴

事親睦族以孝謹聞嘗與娣姒會爭言厭魅

以取夫寵意辛曰厭魅不若禮法眾問其故意辛曰修

已以潔奉長以敬事夫以柔撫下以寬毋使君子見其
輕易此之謂禮法自然取重於夫以厭魅獲寵獨不愧
於心乎聞者大慙初努原作與樞密使伊遜原作有隙
及皇太子廢被誣奪爵没入興聖宮流烏爾古原作部
上以意辛公主之女欲使絕婚意辛辭曰陛下以妾葭
苧之親使免流竄實天地之恩然夫婦之義生死以之
妾自笄年從努原作一且臨難頓爾乖離背綱常之道
於禽獸何異幸陛下哀憐與努原作俱行妾即死無恨
帝感其言從之意辛久在貶所親執役事雖勞無難色
事夫禮敬有加於舊壽隆中上書乞子孫為著帳郎君
帝嘉其節召舉家還子國隱乾統間始仕保大中意辛
在臨漢謂諸子曰吾度盧彥倫必叛汝輩速避我當死
之賊至遇害

耶律珠展原作妻蕭氏小字額勒原作本原作訛國舅貝勒

原作之女性端慤有容色自幼與他女異年十八歸珠

展原作謹裕貞婉娣姒推尊之及居珠展原作喪極哀

毀既葬謂所親曰夫婦之道如陰陽表裏無陽則陰不

能立無表則裏無所附妾今不幸失所天且生必有死

理之自然珠展原作早歲登朝有才不壽天禍妾身罹

此酷罰復何依恃儻死者可見則從不可見則當與俱

諸侍婢慰勉竟無回意自刃而卒

耶律中妻蕭氏小字綏蘭原作韓國王惠之四世孫聰

慧謹愿年二十歸於中事夫敬順親戚咸譽其德中嘗

謂曰汝可粗知書以前貞淑為鑑遂發心誦習多涉古

今天慶中為賊所執潛置刃於履誓曰人欲汙我者即

死之至夜賊遁而免久之帝召中為五院都監中謂妻

曰吾本無宦情今不能免當以死報國汝能從我乎綏
蘭對曰謹奉教及金兵徇地嶺西盡徙其民中守節死
綏蘭原作悲戚不形於外人怪之俄躍馬突出至中死
所自殺

論曰陳氏以經教二子並為賢相耶律氏自潔不嫁居
閨闔之內而不忘忠其君非賢而能之乎三蕭氏之節
雖烈丈夫有不能者矣

遼史卷一百七

德陽劉子雄校字
成都方守道覆校

遼史卷一百八

元中書右丞相總裁托克托等修
列傳第三十八

方技

珠勒呼

王白

魏璘

耶律達嚕

耶律伊伯格勒

孔子稱小道必有可觀醫卜是已醫以濟天札卜以決
猶豫皆有補於國有惠於民前史錄而不遺故傳

珠勒呼原作直吐谷渾人初太祖破吐谷渾一騎士棄

橐反射不中而去及追兵開橐視之中得一嬰兒即珠

勒呼原作直也因所俘者問其故乃知射橐者嬰兒父

也世善醫雖馬上視疾亦知標本意不欲子為人所得

欲殺之耳由是進於太祖瀆欽皇后收養之長亦能醫
專事鍼灸太宗時以太醫給侍嘗撰脈經諸鍼灸書行
於世年九十卒

王白冀州人明天文善卜筮晉司天少監太宗入汴得
之應歷十九年王子扎穆原作只沒以事下獄其母求卜白

曰此人當王未能殺也毋過憂景宗卽位釋其罪封寧
王竟如其言凡決禍福多此類保寧中歷彰武興國二
軍節度使撰百中歌行於世

魏璘不知何郡人以下名世太宗得於汴天祿元年上
命馳馬較遲疾以爲勝負問王白及璘孰勝白奏曰赤
者勝璘曰臣所見驄馬當勝旣馳竟如璘言上異而問
之白曰今日火王故知赤者勝璘曰不然火雖王而上
有烟以烟察之青者必勝上嘉之五年察克原作察割謀逆

私卜於璘璘始卜謂曰大王之數得一日矣宜慎之及

亂果敗應歷中周兵犯燕上以勝敗問璘璘曰周姓柴

也燕分火也柴入火必焚其言果驗璘嘗爲太平王雅

期哈原作撒葛卜僭立事上聞之免死流烏爾古原作烏古部

一日節度使召璘適有獻雙鯉者戲曰君卜此魚何時

得食璘良久答曰公與僕今日有不測禍奚暇食魚急

命烹之未及食寇至俱遇害

耶律達魯原作敵魯字繖布幹原作不挽其先本五院之族始

置宮分隸焉達魯原作敵魯精於醫察形色卽知病原雖不

診候有十全功統和初爲大丞相韓德讓所薦官至節

度使初樞密使耶律色珍原作斜軫妻有沈痾易數醫不能

治達魯原作敵魯視之曰心有畜熱非藥石所及當以意療

因其聵聒之使狂用泄其毒則可於是令大擊鉦鼓於

前翌日果狂叫呼怒罵力極而止遂愈治法多此類人莫能測年八十卒

耶律伊伯格勒原作乙字錫納原作習然六院郎君尼古察

原作衰之後幼好學尤長於卜筮不樂仕進嘗為人擇

葬地曰後三日有牛乘人逐牛過者即啓土至期果一

人負犢引犝牛而過其人曰所謂牛乘人者此也遂啓

土既葬吉凶盡如其言又為失鷹者占曰鷹在汝家東

北三十里灤西榆上往求之果得當時占候無不驗

論曰方技術者也苟精其業而不畔於道君子必取焉

珠勒呼原作直王白耶律達魯原作魯無大得失錄之宜

矣魏璘為察克原作察制卜謀逆為雅斯哈原作撒哈卜僭立

罪在不贖雖有寸長亦奚足取哉存而弗削為來者戒

遼史卷一百八

遼史卷一百九

元中書右丞相總裁托克托等修

列傳第三十九

伶官

羅衣輕

宦官

王繼恩

趙安仁

伶官之微者也五代史列鏡新磨於傳是必有所取矣

遼之伶官當時固多然能因詼諧示諫以消未形之亂

惟羅衣輕耳孔子曰君子不以人廢言是宜傳

羅衣輕不知其鄉里滑稽通變一時諧謔多得規諷興

宗敗於李元昊也單騎突出幾不得脫先是元昊獲遼

人輒劓其鼻有奔北者惟恐追及故羅衣輕止之曰且

觀鼻在否上怒以毳索繫帳後將殺之太子笑曰打譚底不是黃幡綽羅衣輕應聲曰行兵底亦不是唐太宗上聞而釋之上嘗與太弟重元狎昵宴酣許以千秋萬歲後傳位重元喜甚驕縱不法又因雙陸賭以居民城邑帝屢不競前後已償數城重元既恃梁孝王之寵又多鄭叔段之過朝臣無敢言者道路以目一日復博羅衣輕指其局曰雙陸休癡和你都輸去也帝始悟不復戲清甯間以疾卒

宦官

周禮寺人掌中門之禁至巷伯詩列於雅勃貂功著於晉雖忠於所事而非其職矣漢唐中世竊權蠹政有不忍言者是皆寵遇之過遠宦者二人其賢不肖皆可爲後世鑑故傳焉

王繼恩棣州人睿知皇后南征繼恩被俘初皇后以公私所獲十歲已下兒容貌可觀者近百人載赴涼陁並使闔爲豎繼恩在焉聰慧通書及遼語擢內謁者內侍左廂押班聖宗親政累遷尙衣庫使左丞宣監門衛大將軍靈州觀察使內庫都提點繼恩好清談不喜權利每得賜賚市書至萬卷載以自隨誦讀不倦每宋使來聘繼恩多充宣賜使後不知所終

趙安仁字小喜深州樂壽人自幼被俘統和中爲黃門令秦晉國王府祇候王薨授內侍省押班御院通進開泰八年與李勝哥謀奔南土爲遊兵所擒初仁德皇后與欽哀有隙欽哀密令安仁伺皇后動靜無不知者仁德皇后威權旣重安仁懼禍復謀亡歸仁德欲誅之欽哀以言營救聖宗曰小喜言父母兄弟俱在南朝每一

念及神魂隕越今爲思親冒死而亡亦孝子用心實可憐憫赦之重熙初欽哀攝政欲廢帝立少子重元帝與安仁謀遷太后慶州守陵授安仁左承宣監門衛大將軍充契丹漢人渤海內侍都知兼都提點會上思太后親馭奉迎太后責曰汝負萬死我嘗營救不望汝報何爲離間我母子耶安仁無答後不知所終論曰名器所以勵天下非賢而有功則不可授況宦者乎繼恩爲內謁者安仁爲黃門令似矣何至溺於私愛而授以觀察使大將軍耶易曰負且乘致寇至此安仁所以不克有終繼恩幸而免歟

遼史卷一百九

德陽劉子雄校字
成都方守道覆校

遼史卷一百十

元中書右丞相總裁托克托等修
列傳第四十

姦臣上

耶律伊遜

張孝傑

耶律雅克

蕭錫沙

春秋褒貶善惡並書示勸懲也故遷固傳佞幸酷吏歐陽修則并姦臣錄之將俾爲君者知所鑒爲臣者知所戒此天地聖賢之心國家安危之機治亂之原也遼自耶律伊遜原作乙辛而下姦臣十人其敗國皆足以爲戒故列於傳

耶律伊遜原作乙辛字呼圖克琨原作胡都袞五院部人父特爾格原作初伊遜家貧服用不給部人號窮特爾格原作初伊遜

原作母方娠夜夢手搏殺羊拔其角尾既寤占之術者
曰此言兆也羊去角尾為王字汝後有子當王及伊遜
原作生適在路無水以浴迴軍破轍忽見湧泉特爾格
原作自以得子欲酒以慶聞酒香於草棘間得二榼因
祭東焉伊遜原作幼慧黠嘗牧羊至日昃特爾格原作
視之伊遜原作熟寢特爾格原作觸之覺伊遜原作怒
曰何遽驚我適夢人手執日月以食我我已食月啗日
方半而覺惜不盡食之特爾格原作自是不令牧羊及
長美風儀外和內狡重熙中為文班吏掌太保印陪從
入宮皇后見伊遜原作詳雅如素宦令補筆硯吏帝亦
愛之累遷護衛太保道宗即位以伊遜原作先朝任使
賜漢人戶四十同知點檢司事常召決疑議陞北院同
知歷樞密副使清甯五年為南院樞密使改知北院封

趙王九年耶律仁先為南院樞密使時駙馬都尉蕭呼
都克原作胡覲與重元黨惡仁先在朝奏曰仁先可任西北
路招討使帝將從之伊遜原作奏曰臣新參國政未知
治體仁先乃先帝舊臣不可遽離朝廷帝然之重元亂
平拜北院樞密使進王魏賜匡時翊聖竭忠平亂功臣
咸雍五年加守太師詔四方有軍旅許以便宜從事勢
震中外門下饋賂不絕凡阿順者蒙薦擢忠直者被斥
竄太康元年皇太子始預朝政法度修明伊遜原作不
得逞謀以事誣皇后既死伊遜原作不自安又欲害
太子乘間入奏曰帝與后如天地並位中宮豈可曠盛
稱其黨駙馬都尉蕭錫默原作霞抹之妹美而賢上信之納
於宮尋冊為皇后時護衛蕭和克原作忽古知伊遜原作姦
狀伏橋下欲殺之俄暴雨壞橋謀不遂林牙蕭巖壽密

奏曰伊遜原作乙辛自皇太子預政內懷疑懼又與宰相張孝傑相附會恐有異圖不可使居要地出為中京留守伊遜原作乙辛泣謂人曰伊遜原作乙辛無過因讒見出其黨蕭錫默原作雷林輩以其言聞於上上悔之無何出蕭巖壽為順義軍節度使詔近臣議召伊遜原作乙辛事北面官屬無敢言者耶律薩喇原作撒刺曰初以蕭巖壽奏出伊遜原作乙辛若所言不當宜坐以罪若當則不可復召累諫不從乃復召為北院樞密使時皇太子以母后之故憂見顏色伊遜原作乙辛黨欣躍相慶讒謗沸騰忠良之士斥逐殆盡伊遜原作乙辛因蕭錫沙原作十三之言夜召蕭特爾特原作裏特謀搆太子令護衛太保耶律察喇原作木刺誣告耶律薩喇原作撒刺等同謀立皇太子詔按無跡而罷又令牌印郎君蕭額圖原作都幹詣上誣首耶律察喇原作查刺前告耶律

薩喇原作撒刺等事皆實臣亦與其謀本欲殺伊遜原作乙辛等而立太子臣等若不言恐事白連坐詔使鞫劾伊遜原作乙辛迫令具伏上怒命誅薩喇原作撒刺及蘇色原作速撒等伊遜原作乙辛恐帝疑引數人庭詰各令荷重校繩繫其頸不能出氣人人不堪其酷惟求速死反奏曰別無異辭時方暑尸不得瘞以至地臭乃囚皇太子於上京監衛者皆其黨尋遣蕭達囉克原作魯古薩巴原作撒把害太子伊遜原作乙辛黨大喜聚飲數日上京留守蕭塔坦原作撻得以卒聞上哀悼欲召其妻伊遜原作乙辛陰遣人殺之以滅其口五年正月上將出獵伊遜原作乙辛奏留皇孫上欲從之同知點檢蕭兀納諫曰陛下若從伊遜原作乙辛留皇孫皇孫尙幼左右無人願留臣保護以防不測遂與皇孫俱行由是上始疑伊遜原作乙辛頗知其姦會北幸將次黑山之平定

上適見扈從官屬多隨伊遜原作後惡之出伊遜原作
知南院大王事及例削一字王爵改王混同意稍自安
及赴闕入謝帝即日遣還改知興中府事七年冬坐以
禁物鬻入外國下有司議法當死伊遜原作黨耶律雅
克原作獨奏當入八議得減死論擊以鐵骨朶幽於來
州後謀奔宋及私藏兵甲事覺縊殺之乾統二年發冢
戮其屍

張孝傑建州永霸縣人家貧好學重熙二十四年擢進
士第一清甯間累遷樞密直學士咸雍初坐誤奏事出
為惠州刺史俄召復舊職兼知戶部司事三年參知政
事同知樞密院事加工部侍郎八年封陳國公上以孝
傑勤幹數問以事為北府宰相漢人貴幸無比太康元
年賜國姓明年秋獵帝一日射鹿三十燕從官酒酣命

賦雲上於天詩詔孝傑坐御榻傍上誦黍離詩知我者
謂我心憂不知我者謂我何求孝傑奏曰今天下太平
陛下何憂富有四海陛下何求帝大悅三年羣臣侍燕
上曰先帝用仁先華格原作以賢智也朕有孝傑伊遜
原作不在仁先華格原作下誠為得人歡飲至夜乃罷
是年夏伊遜原作譖皇太子孝傑同力相濟及伊遜原作
辛受詔按皇太子黨人誣害忠良孝傑之謀居多伊遜
原作薦孝傑忠於社稷帝謂孝傑可比狄仁傑賜名仁
傑乃許放海東青鶴六年既出伊遜原作上亦悟孝傑
姦佞尋出為武定軍節度使坐私販廣濟湖鹽及擅改
詔旨削爵貶安肅州數年乃歸大安中死於鄉乾統初
剖棺戮屍以族產分賜臣下孝傑久在相位貪貨無厭
時與親戚會飲嘗曰無百萬兩黃金不足為宰相家初

孝傑及第詣佛寺忽迅風吹孝傑幘頭與浮圖齊墜地而碎有老僧曰此人必驟貴然亦不得其死竟如其言耶律雅克原作燕哥字善甯季父房之後四世祖托音原作鐸穩太祖異母弟父曰呼魯蘇原作里斯官至太師雅克原作燕哥狡佞而敏清甯間為左護衛太保太康初轉北面林牙初耶律伊遜原作乙辛自中京留守復為樞密使以雅克原作燕哥為耳目凡間見必以告伊遜原作乙辛愛而薦之帝亦以為賢拜左伊勒希巴原作夷及皇太子被誣帝遣雅克原作燕哥往訊之太子謂雅克原作燕哥曰帝惟我一子今為儲嗣復何求敢為此事公與我為昆弟行當念無辜達意於帝禱之甚懇蕭錫沙原作十三聞之謂雅克原作燕哥曰宜以太子言易為伏狀雅克原作燕哥領之盡如所教以奏及太子被逐伊遜原作乙辛殺害忠良多雅克原作燕哥之謀為契丹

行宮都部署五年夏拜南府宰相遷特哩袞原作惕隱大安

三年為西京留守致仕壽隆初以疾卒

蕭錫沙原作十三摩和納原作茂古乃部人父都勒幹原作魯幹歷

官節度使錫沙原作十三辨黠善揣摩人意清甯間以年勞

遷護衛太保太康初耶律伊遜原作乙辛復入樞府益橫恣

時錫沙原作十三出入伊遜原作乙辛家以朝臣不附者輒使出

之錫沙原作十三由宿衛遷殿前副點檢三年夏護衛蕭和

克原作忽古等謀殺伊遜原作乙辛事覺下獄錫沙原作十三謂伊遜

原作乙辛曰今太子猶在臣民屬心大王素無根柢之助復

有誣皇后之怨若太子立王置身何地宜熟計之伊遜

曰吾憂此久矣是夜召蕭特爾特原作裏特謀所以搆太

子事錫沙原作十三計既行尋遷殿前都點檢兼同知樞密

院事復令蕭額圖原作都幹等誣首耶律察喇原作查刺前

告耶律薩喇原作撒刺等事皆實詔究其事太子不服別遣
伊勒希巴原作夷離畢耶律雅克原作燕哥問太子太子具陳所
以見誣之狀錫沙原作十三聞之謂雅克原作燕哥曰如此奏則
大事去矣當易其辭為伏款雅克原作燕哥入如錫沙原作十三
言奏之上大怒廢太子太子將出曰我何罪至是錫沙
原作十三叱令登車遣衛卒闔車門是年遷北院樞密副使
復陳陰害太子計伊遜原作乙辛從之及伊遜原作乙辛出知南
院大王事亦出錫沙原作十三為保州統軍使卒乾統間剖
棺戮屍二子的里得年結原作念經皆伏誅

遼史卷一百十

德陽劉子雄校字
成都方守道覆校

遼史卷一百十一

元中書右丞相總裁托克托等修
列傳第四十一

姦臣下

蕭額哩頁

耶律赫嚕

蕭特爾特

蕭額圖瑋

蕭達囉克

耶律托卜嘉

蕭特古斯

蕭額哩頁原作余里也字訛都椀國舅阿拉原作阿刺次子便佞
滑稽善女工重熙間以外戚進清甯初補祗候郎君尚
鄭國公主拜駙馬都尉累遷南面林牙以父阿拉原作阿刺
為蕭格原作格所譖出額哩頁原作余里也為奉先軍節度使
十年冬召為北面林牙咸雍中會有告額哩頁原作余里也

與族人珠展原作木哲謀害耶律伊遜原作乙辛按無狀出為甯
遠軍節度使自後額哩頁原作里也揣伊遜原作乙辛意傾心
事之薦為國舅詳袞原作詳穩太康初封遼西郡王時伊遜
原作乙辛擅恣凡不附已者出之乃引額哩頁原作里也為北
府宰相兼知契丹行宮都部署事及伊遜原作乙辛謀搆皇
太子額哩頁原作里也多助成之遂知北院樞密事賜推
誠協贊功臣以女姪妻伊遜原作乙辛子蘇葉原作綏也恃勢橫
肆至有無君之語朝野側目帝出伊遜原作乙辛知南院大
王事坐與伊遜原作乙辛黨以天平軍節度使歸第尋拜西
北路招討使以母憂去官卒
耶律赫魯原作合魯字和爾沁原作胡都堇六院錫里原作舍利尼古
察原作古直之後柔佞喜苟合仕清甯初時伊遜原作乙辛引
用羣小赫魯原作合魯附之遂見委任俄擢南面林牙伊遜

原作乙辛譜皇太子殺忠直赫魯原作合魯多預其謀弟烏頁原作
吾也亦黨伊遜原作乙辛時號二賊伊遜原作乙辛薦為北院大王
卒烏頁原作吾也亦作南院大王
蕭特爾特原作裏特約尼原作遙輦溫汗原作可汗宮分人善阿
意順色清甯初伊遜原作乙辛用事甚見引用累遷北面林
牙同知北院宣徽使事及皇太子廢遣特爾特原作裏特
監送上京特爾特原作裏特促其行不令下車起居飲食
數加陵侮至則築圍堵囚之太康中遷西南招討使歷
順義軍節度使轉國舅詳袞原作詳穩壽隆五年坐怨望以
老免死闔門籍興聖宮貶西北統軍司卒二子得末額
呼原作訛里乾統間以父與伊遜原作乙辛謀伏誅
蕭額圖瑋原作都幹國舅少父房之後咸雍中補牌印郎
君太康三年樞密使伊遜原作乙辛陰懷逆謀乃令護衛太

保耶律察喇

原作查刺

誣告耶律薩喇

原作撒刺

等廢立事詔按

無狀皆補外項之額圖瑋

原作都幹

希伊遜

原作乙辛

意欲實

其事與耶律托卜嘉

原作不也塔

等入闕誣奏耶律薩喇

刺等謀害伊遜

原作乙辛

欲立皇太子事臣亦預謀今不自

言恐事泄連坐帝果怒徙皇太子於上京額圖瑋

幹尚皇女趙國公主為駙馬都尉後與伊遜

原作乙辛

議不

合銜之復以車服僭擬人主被誅額圖瑋

原作都幹

臨刑

語人曰前告耶律薩喇

原作撒刺

事皆伊遜教我恐事

彰殺我以滅口耳

蕭達囉克

原作魯古

約尼

原作遙輦

兆古汗

原作古可汗

宮分人性

姦險清甯間伊遜

原作乙辛

為樞密使竊權用事陰懷逆謀

達囉克

原作魯古

比附之

遂見獎拔稍遷至旗鼓伊喇

刺詳袞

原作詳穩

伊遜

原作乙辛

欲害太子以達囉克

原作魯古

果可使遣與近侍直長薩巴

原作撒八

詣上京同留守蕭塔

坦

原作撻得

夜引力士至囚室給以有赦召太子出殺之函

其首以歸詐云疾薨以達囉克

原作魯古

為國舅詳袞

詳穩達囉克

原作魯古

恐殺太子事白出入常佩刀有急召

即欲自殺乾統間詔樞密使耶律阿蘇

原作阿思

大索伊遜

原作乙辛

耶律托卜嘉

原作不也塔

仲父房之後以善擊鞠幸於上凡

馳騁鞠不離杖咸雍初補祇候郎君與耶律伊遜

原作乙辛

善故內外畏之及太子被譖按無跡托卜嘉

原作不也塔

附伊遜

原作乙辛

欲實其誣與額圖瑋

原作都幹

等密奏太子謀

亂事本實臣不首恐事覺連坐帝信之廢太子改延慶

宮副使壽隆元年為行宮都部署天祚嗣位以托卜嘉

不也

黨伊遜

原作乙辛

出為特默

原作特免

部節度使及樞密

不也

登史卷一百一十一列傳四十一

使耶律阿蘇原作阿思大索伊遜原作乙辛舊黨托卜嘉原作塔不也

以賂獲免徙德呼原作敵烈部節度使復為敦睦宮使天慶

元年出為西北路招討使以疾卒

蕭特古斯原作古辭字和甯原作何甯卓特原作褚特部人仕重熙

中以能稱累遷左中丞清甯初歷北面林牙改北院樞

密副使辨敏善伺顏色應對合上意皇太后嘗曰有大

事非耶律華格原作化哥蕭特古斯原作古斯不能決眷遇日

隆知北院樞密使事六年出知黃龍府八年拜南府宰

相頃之為北院樞密使詔許便宜從事為人姦佞有餘

好聚斂專復變更法度為樞密數月所薦引多為重元

黨與由是免為庶人後沒入興聖宮卒

論曰舜流共工孔子誅少正卯治姦之法嚴矣後世不

是之察反以為忠而信任之不至於流毒宗社而未已

道宗之於伊遜原作乙辛是也當其留仁先討重元若真為

國計者不知包藏禍心待時而發耳一旦專權又得孝

傑雅克原作燕哥錫沙原作十三為之腹心故肆惡而無忌憚始

誣皇后又殺太子及其妃其禍之酷良可悲哉嗚呼君

之所親莫皇后太子若也姦臣殺之而不知羣臣言之

而不悟一時忠讜廢戮幾盡雖黑山親見官屬之盛僅

削一字王號至私藏甲兵然後誅之呼伊遜原作乙辛之罪

固非一死可謝天下抑亦道宗不明無斷有以養成之

也如蕭額哩頁原作余里也輩忘君黨惡以饗富貴雖幸而

死諸牖下其得免於遺臭之辱哉

遼史卷一百十一

德陽劉子雄校字
成都方守道覆校

遼史卷一百十一

元中書右丞相總裁托克托等修
列傳第四十二

逆臣上

希達 達勒達

華格

察克

隆科

重元 尼嚕古

易曰天尊地卑乾坤定矣卑高以陳貴賤位矣貴賤位而後君臣之分定君臣之分定而後天地和天地和而後萬物成五帝三王之治用此道也三代而降臣弑其君者有之子弑其父者有之孔子作春秋以寓王法誅死者於前懼生者於後其慮深遠矣歐陽修作唐書創逆臣傳蓋亦春秋之意也遼叛逆之臣二十有二迹其

事則又有甚焉者然豈一朝一夕之故哉列於傳所以公天下之貶以示夫戒云

希達原帖底字納爾琿原烈作濕肅祖孫額爾奇木原離作夷

搭拉原帖底之子幼黠而辯時險佞者多附之約尼原遼作輦

哈陶津汗原離作痕德時異母兄阿古齊原古只為德噶

原離作部額爾奇木原離作夷故事為額爾奇木原離作夷者

得行再生禮阿古齊原古只方就帳易服希達原帖底遂

取紅袍貂蟬冠乘白馬而出乃令黨人大呼曰額爾奇

木原離作夷出矣眾皆羅拜因行柴冊禮自立為額爾奇

木原離作夷與裕悅原于越耶律實嚕原釋魯同知國政及實

嚕原釋魯遇害希達原帖底懼人圖已挈其二子達勒達原特

里碩格原朔刮奔渤海偽為失明後因毬馬之會與二

子奪良馬奔歸國益為姦惡常以巧辭獲免太祖將即

位讓希達原帖底希達原帖底曰皇帝聖人由天所命臣豈

敢當太祖命為裕悅原于越及自將伐西南諸部希達原

底原帖底誘埒克原刺葛等亂不從者殺之車駕還至赤水城希

達原帖底懼與埒克原刺葛俱北走至榆河為追兵所獲太

祖問曰朕初即位嘗以國讓叔父辭之今反欲立吾弟

何也希達原帖底對曰始臣不知天子之貴及陛下即位

衛從甚嚴與凡庶不同臣嘗奏事心動始有窺覷之意

度陛下英武必不可取諸弟懦弱得則易圖也事若成

豈容諸弟乎太祖謂諸弟曰汝輩乃從斯人之言耶特

爾格原帖底曰謀大事者須用如此人事成亦必去之希

達原帖底不復對囚數月縊殺之將刑太祖謂曰叔父罪

當死朕不敢赦事有便國者宜悉言之希達原帖底曰德

噶原帖底部人眾勢強故多為亂宜分為二以弱其勢子

達勒達原作迭里特

達勒達原作迭里特字海蘭原作海鄰有膂力善馳射馬躡不仆

尤神於醫視人疾若隔紗觀物莫不悉見太祖在潛已

加眷遇及即位拜德呼原作迭刺部額爾奇木太祖

嘗思鹿醢解醒以山林所有問能取者達勒達原作迭里特

曰臣能得之乘內殿馬逐鹿射其一欲復射馬跌而斃

達勒達原作迭里特躍而前弓猶不弛復獲其一帝歡甚曰

吾弟萬人敵會帝患心痛召達勒達原作迭里特視之達勒

達原作迭里特曰膏盲有瘀血如彈丸然藥不能及必鍼而

後愈帝從之嘔出瘀血痛止帝以其親每加賜賚然知

其為人未嘗任以職後從埒克原作刺葛亂與其父希達原作

底轉俱縊殺之

華格原作滑哥字斯懶隋國王實嚕原作釋魯之子性陰險初烝

其父妾懼事彰與剋蕭特依順原作臺晒等共害其父歸咎

特依順原作臺晒華格原作滑哥獲免太祖即位務廣恩施雖知

華格原作滑哥兇逆姑示含忍授以特哩袞原作惕隱六年華格

原作滑哥預諸弟之亂事平羣臣議其罪皆謂華格原作滑哥不

可釋於是與其子罕扎原作痕只俱凌遲而死勅軍士恣取

其產帝曰華格原作滑哥不畏上天反君弑父其惡不可言

諸弟作亂皆此人教之也

察克原作察割字烏紳原作歐辛明王安圖原作安端之子善騎射貌

恭而心狡人以爲懦太祖曰此兇頑非懦也其父安圖

原作安端嘗密奏事太祖謂近侍曰此子目若風駝面有反

相朕若獨居無令入門世宗即位於鎮陽安圖原作安端聞

之欲持兩端察克原作察割曰太弟忌刻若果立豈容我輩

永康王寬厚且與瑠格原作劉哥相善宜往與計安圖原作安端

卽與瑠格原作劉哥謀歸世宗及和議成以功封泰甯王會
安圖原作安端爲西南面大詳袞原作詳穩察克原作察制佯爲父惡
陰遣人白於帝卽召之既至上前泣訴不勝哀帝憫之
使領鈕祜祿原作石烈女軍出入禁中數被恩遇帝每出獵
察克原作察制託手疾不操弓矢但執鍊錘馳走屢以家之
細事聞於上上以爲誠察克原作察制以諸族屬雜處不克
以逞漸徙廬帳迫於行宮右皮室詳袞原作詳穩耶律烏哲
原作屋質察其姦邪表列其狀帝不信以表示察克原作察制
克原作察制稱烏哲原作屋質疾已哽咽流涕帝曰朕固知無此
何至泣耶察克原作察制時出怨言烏哲原作屋質曰汝雖無是
心因我過疑汝勿爲非義可也他日烏哲原作屋質又請於
帝帝曰察克原作察制捨父事我可保無他烏哲原作屋質曰察
克原作察制於父既不孝於君安能忠帝不納天祿五年七

月帝幸太液谷留飲三日察克原作察制謀亂不果帝伐周
至尙和原作詳占山太后與帝祭文獻皇帝於行宮羣臣皆
醉察克原作察制歸見壽安王邀與語王弗從察克原作察制以
謀告耶律瑣都原作益都瑣都原作益都從之是夕同率兵入弒
太后及帝因僭位號百官不從者執其家屬至夜闔內
府物見碼礪盃曰此希世寶今爲我有託於其妻妻曰
壽安王烏哲原作屋質在吾屬無噍類此物何益察克原作察制
曰壽安年幼烏哲原作屋質不過引數奴詰旦來朝固不足
憂其黨舒蘇報壽安烏哲原作屋質以兵圍於外察克原作察制
尋遣人弒皇后於樞前倉惶出陣壽安遣人諭曰汝等
旣行弒逆復將若何有額爾奇木原作離董和卓原作劃者委
兵歸壽安王餘眾望之徐徐而往察克原作察制知其不濟
乃繫羣官家屬執弓矢脅曰無過殺此曹爾叱令速出

時林牙耶律迪里原作敵獵亦在繫中進曰不有所廢壽安

王何以興藉此為辭猶可以免察克原作察割曰誠如公言

誰當使者迪里原作敵獵請與雅斯哈原作撒葛同往說之察

克原作察割從其計壽安王復令迪里原作敵獵誘察克原作察割殺之諸子皆伏誅

隆科原作婁國字密遜原作勉辛文獻皇帝之子天祿五年遙授

武定軍節度使及察克原作察割作亂穆宗與烏哲原作屋質從

林牙迪里原作敵獵計誘而出之隆科原作婁國手刃察克原作察割

改南京留守穆宗沈湏不恤政事隆科原作婁國有覬覦之

心誘迪里原作敵獵及羣不逞謀逆事覺按問不服帝曰朕

為壽安王時卿數以此事說我今日豈有虛乎隆科原作婁國

不能對及餘黨盡服遂縊於汗州原作汗州西谷詔有

司擇絕後之地以葬

重元小字博齊希原作吉只聖宗次子材勇絕人眉目秀

朗寡言笑人望而畏太平三年封秦國王聖宗崩欽哀

皇后稱制密謀立重元重元以所謀白於上上益重之

封為皇太弟歷北院樞密使南京留守知元帥府事重

元處戎職未嘗離輦下先是契丹人犯法例須漢人禁

勘受枉者多重元奏請五京各置契丹警巡使詔從之

賜以金券誓書道宗即位冊為皇太叔免拜不名為天

下兵馬大元帥復賜金券四頂帽二色袍尊寵所未有

清甯九年車駕獵灤水以其子尼嚕古原作魯古素謀與

同黨陳國王辰祿原作陳六知北院樞密事蕭呼都克原作胡觀

等凡四百餘人誘脅弩手軍陣於帷宮外將戰其黨多

海過効順各自奔潰重元既知失計北走大漠歎曰尼

嚕古原作魯古使我至此遂自殺先是重元將起兵帳前

兩赤如血識者謂敗亡之兆子尼嚕古原作涅魯古

尼嚕古原作涅魯古小字伊囉幹尼作耶魯縮性陰狠興宗一見

謂曰此子目有反相重熙十一年封安定郡王十七年

進王楚為特哩袞原作陽隱清甯二年出為武定軍節度使

七年知南院樞密使事說其父重元詐病俟車駕臨問

因行弑逆九年秋獵帝用耶律良之計遣人急召尼嚕

古原作涅魯古尼嚕古原作涅魯古以事泄遽擁兵犯行宮南院

樞密使許王仁先等率宿衛士討之尼嚕古原作涅魯古躍

馬突出為近侍詳袞原作詳穩渤海阿蘇原作阿蘇護衛蘇射殺

之

德陽劉子雄校字

成都方守道覆校

遼史卷一百十三

遼史卷一百十三

元中書右丞相總裁托克托等修

列傳第四十三

逆臣中

蕭翰

德呼

朗

瑠格

瑣都

哈斯

迪里

蕭格

蕭翰一名迪里原作敵烈字哈準原作寒真宰相達魯原作敵魯之子

天贊初唐兵圍鎮州節度使張文禮遣使告急翰受詔

與康未怛往救克之殺其將李嗣昭拔石城會同初領

漢軍侍衛八年伐晉敗晉將杜重威追至望都翰奏曰

可令軍下馬而射帝從其言軍士步進敵人持短兵猝

至我軍失利帝悔之曰此吾用言之過至此及從駕入
汴爲宣武軍節度使會帝崩樂城世宗卽位翰聞之委
事於李從敏徑趨行在是年秋世宗與皇太后相拒於
潢河橫渡和議未定太后問翰曰汝何怨而叛對曰臣
母無罪太后殺之以此不能無憾初耶律烏哲原作以
附太后被囚翰聞而快之卽囚所謂曰汝嘗言我輩不
及今在狴犴何也對曰第願公不至如此翰默然天祿
二年尙帝妹額伯哩原作阿不里後與天德謀反下獄復結
特哩袞原作楊隱瑠格原作劉哥及其弟瑣都原作益都亂耶律實喇
原作石刺告烏哲原作屋質烏哲原作屋質遽入奏之翰等不伏帝不
欲發其事烏哲原作屋質固諍以爲不可乃詔烏哲原作屋質鞫
案翰伏辜帝竟釋之復與公主以書結明王安圖原作安端
反烏哲原作屋質得其書以奏翰伏誅

德喙原作牒蠟字蘇蘭原作述蘭六院額爾奇木原作夷巴古濟
原作蒲之後天顯中爲中臺省右相會同二年與趙思
溫持節冊晉帝及我師伐晉至滹沱河降晉將杜重威
德喙原作牒蠟功居多同元年平相州之叛斬首數萬級
世宗卽位遣使馳報仍命德喙原作牒蠟執偏將珠展原作木者
以來其使誤入珠展原作木者營珠展原作木者得詔反誘德喙
原作牒蠟執送太后德喙原作牒蠟亡歸世宗和約旣成封燕王
爲南京留守天祿五年察克原作察割弒逆德喙原作牒蠟方醉
其妻扶入察克原作察割之幕因從之明日壽安王討亂凡
脅從者皆棄兵降德喙原作牒蠟不降凌遲而死妻子皆誅
朗字歐新季父房阿古齊原作古只之孫性輕佻多力人
呼爲呼遜原作虎斯天顯間以材勇進每戰輒克由是得名
會同九年太宗入汴命知澶淵控扼河渡天祿元年燕

趙以南皆應劉知遠朗與汴守蕭翰棄城歸闕先是朗祖阿古齊原作菴谷只為其弟希達原作轄底詐取額爾奇木原作夷离

董自是族中無任六院職事者世宗不悉其事以朗為六院大王及察克原作察割作亂遣人報朗曰事成矣朗遣詳袞原作詳穩蕭胡里以所部軍往命曰當持兩端助其勝者穆宗即位伏誅籍其家屬

瑠格原作劉哥字明隱太祖兄伊德實原作底石之子幼驕狠好陵侮人長益兇狡太宗惡之使守邊徼累遷西南邊

大詳袞原作詳穩會同十年叔父安圖原作安端從帝伐晉以病先歸與瑠格原作劉哥鄰居世宗立於軍中安圖原作安端議所

往瑠格原作劉哥首建附世宗之策以本部兵助之時太后命皇太弟魯呼原作李胡率兵而南瑠格原作劉哥安圖原作安端遇

於秦德泉既接戰安圖原作安端墜馬王子天德馳至欲以

槍刺之瑠格原作劉哥以身衛安圖原作安端射天德貫甲不及

膚安圖原作安端得馬復戰太弟兵敗瑠格原作劉哥與安圖原作安端

安朝於行在及和議成太后問瑠格原作劉哥曰汝何怨而叛對曰臣父無罪太后殺之以此怨耳事平以功為特

哩袞原作楊隱天祿中與弟瑣都原作盆都王子天德侍衛蕭翰謀反耶律實喇原作石刺發其事瑠格原作劉哥以飾辭免後請

帝博欲因進酒弑逆帝覺之不果被囚一日召瑠格原作劉哥鎖項以博帝問汝實反耶瑠格原作劉哥誓曰臣若有反

心必生千頂疽死遂貫之耶律烏哲原作屋質固諍以為罪在不赦上命烏哲原作屋質按之具服詔免死流烏爾古原作古

瑣都原作盆都殘忍多力膚若蛇皮天祿初以族屬為皮室

詳袞原作詳穩二年與兄瑠格原作劉哥謀反免死使於哈噶斯

原作轄 國既還復預察克原作察割之亂凌遲而死異母弟

二人科科里原作化葛里希斯原作奚塞應歷初無職任以族子

甚見優禮三年或告科科里原作化葛里希斯原作奚塞與衛王

完原作宛謀逆下獄飾辭獲免四年春復反伏誅

哈斯原作海思字鐸袞隋國王寶嚕原作釋魯之庶子機警口辯

會同五年詔求直言時哈斯原作海思年十八衣羊裘乘牛

詣闕有司問曰汝何故來對曰應詔言事苟不以貧稚

見遺亦可備直言之選有司以聞會帝將出獵使謂曰

俟吾還則見之哈斯原作海思曰臣以陛下急於求賢是以

來耳今反緩於獵請從此歸帝聞即召見賜坐問以治

道命明王安圖原作安端與耶律頗德試之數日安圖原作安端

等奏曰哈斯原作海思之材臣等所不及帝召哈斯原作海思問

曰與汝言者何如人也對曰安圖原作安端言無收檢若空

車走峻坂頗德如著靴行曠野射鵝帝大笑擢宣徽使

屢任以事帝知其貧以金器賜之哈斯原作海思即散於親

友後從帝伐晉有功世宗即位於軍中皇太后以兵逆

於潢河橫渡太后遣耶律烏哲原作屋質責世宗自立烏哲

命之曰汝見烏哲原作屋質勿懼哈斯原作海思對亦不遜且

旨既和領太后諸局事穆宗即位與冀王迪里原作敵獵謀

反死獄中

迪里原作敵獵字烏納原作烏輦六院額爾奇木原作离堇卓巴勒

察謀亂官僚多被囚繫及壽安王與耶律烏哲原作屋質率

兵來討諸黨以次引去察克原作察割度事不成即詣囚所

持弓矢脅曰悉殺此曹迪里原作敵獵進曰殺何益於事竊

料烏哲屋質原作將立壽安王故爲此舉且壽安未必知若遣人藉此爲辭庶可免察克原作曰如公言誰可使者迪里原作曰大王若不疑迪里原作請與雅斯哈原作葛同往說之察克原作遣之壽安王用迪里原作殺察克原作凡被脅之人無一被害者皆迪里原作力亂既平帝嘉賞然未顯用迪里原作結羣不逞陰懷不軌應歷二年與其黨謀立隆科原作事覺凌遲死

蕭格

原作

小字華格

原作

字和爾沁

原作

國舅房林

牙和尚之子警悟多智數太平初累遷宮職遊近習間以諛悅相比昵爲流輩所稱由是名達於上重熙初拜北面林牙十二年爲北院樞密副使帝嘗與近臣宴謂格原作曰朕知卿才故自拔擢卿宜勉力格原作曰臣

不才誤蒙聖知無以報萬一惟竭愚衷安敢怠明年拜

北府宰相十五年改同知北院樞密事格原作怙寵專

權同僚具位而已時伊勒希巴原作耶律義先知格

原作姦佞因侍燕言格原作所短用之將敗事帝不聽

一曰上令義先對格原作巡擲義先酒酣曰臣備位大

臣縱不能進忠去佞安能與賊博乎格原作銜之佯言

曰公相謹不旣甚乎義先諾言不已帝怒皇后解之曰

義先酒狂醒可治也翌日上詔格原作謂曰義先無禮

可痛繩之格原作曰義先之才豈逃聖鑒然天下皆知

忠直今以酒過爲罪恐拂人望帝以格原作犯而不校

眷遇益厚其矯情媚上多此類拜南院樞密使詔班諸

王上封吳王改知北院進王鄭兼中書令帝大漸詔格

原作曰大位不可一日曠朕若弗寤宜卽令燕趙國王

嗣位清寧元年復為南院樞密使更王楚復徙北院與

國舅蕭阿拉原作阿刺同掌朝政格原作革多私撓阿拉原作阿刺

每裁正之由是有隙出阿拉原作阿刺為東京留守會南郊

阿拉原作阿刺以例赴闕帝訪羣臣以時務阿拉原作阿刺陳利

病言甚激切格原作革伺帝意不悅因譖曰阿拉原作阿刺恃

寵有慢上心非臣子禮帝大怒縊阿拉原作阿刺於殿下後

上知格原作革姦計寵遇漸衰八年致仕封鄭國王九年

秋格原作革以其子為重元壻格原作革預其謀凌遲殺之

遼史卷一百十三

德陽劉子雄校字
成都方守道覆校

遼史卷一百十四

元中書右丞相總裁托克托等修
列傳第四十四

逆臣下

蕭呼都克

庫德

奚和勒博

蕭呼都克原作胡觀字伊遜原作乙辛口吃視斜髮鬢伯父孝穆

見之曰是兒狀貌族中未嘗有及壯魁梧桀傲多揚人

惡重熙中為祗候郎君俄遷興聖宮使尚秦國長公主

授駙馬都尉以不諧離婚復尚齊國公主為北面林牙

清寧中歷北南院樞密副使代族兄珠展原作木質為西北

路招討使時蕭格原作革與蕭阿拉原作阿刺俱為樞密使不

喇台原作迭里得將偏師首入敵境多所俘掠遷都點檢改
烏爾古原作烏古德呼敵烈部都詳袞原作詳穩十八年再舉西
伐塔喇台原作迭里得奏軍馬器械之事務在選將夏人豈
為難制但嚴設斥候不用掩襲計何慮不勝帝曰卿其
速行無後軍期既而塔喇台原作迭里得失利還復為都點
檢十九年夏人來侵金肅軍上遣塔喇台原作迭里得率輕
兵督戰至河南三角川斬候者八人擒觀察使以功名
知漢人行宮都部署事出為西南面招討使族弟黃巴
原作黃八家奴告其主私議宮掖事塔喇台原作迭里得寢之事
覺決大杖削爵為民清寧中上以所坐事非塔喇台原作迭里得
所犯起為南京統軍使至是從重元子尼嚕古原作
得等亂敗走被擒伏誅
庫德原作古迭本宮分人不知姓氏好戲狎不喜繩檢督力

過人善擊鞠重熙初為護衛厯宿直官十三年西征以
庫德原作古迭為先鋒夏人伏兵掩之庫德原作古迭力戰麾下
士多歿乃單騎突出遇夏王李元昊來圍勢甚急庫德
原作古迭馳射應弦輒仆躍馬直擊中堅夏兵不能當捕乃
還營改興聖宮太保清寧九年從重元尼嚕古原作古魯
亂與扈從兵戰敗而遁追擒之凌遲而死
薩爾珠原作撒刺竹孟父房迪里原作滌冽之孫性兇暴清寧中
累遷宣徽使改殿前都點檢首與重元謀亂會帝獵灤
河重元恐事泄與扈從軍倉卒而戰其子尼嚕古原作
古既死同黨潰散薩爾珠原作撒刺竹適在畋所聞亂劫獵
夫以援既至知尼嚕古原作已死大悔恨之謂曰我
輩惟有死戰胡為若兒戲自取殞滅今行宮無備乘夜
劫之大事可濟若俟明日彼將有備安知我眾不攜貳

一失機會悔將何及重元蕭呼都克原作胡觀等曰今夕但可四面圍之勿令外軍得入彼何能備不從遲明投仗而走薩爾珠原作撒刺竹毘死

奚和勒博原作回一名翰字綏蘭原作接懶奚王忒鄰之後

善騎射趨捷而勇與甘兄必埒哩原作里刺齊名大安中

車駕幸中京補護衛稍遷鐵鶴軍詳衮原作詳穩天慶間徙

北女直詳衮原作詳穩兼知咸州路兵馬事改東京統軍既

而諸番入寇悉破之遷奚六部大王兼總知東路兵馬

事保大二年金兵至天祚播遷和勒博原作回率吏民

立秦晉國王溥為帝溥偽署和勒博原作回知北院樞

密事兼諸軍都統屢敗宋兵溥死其妻普賢女攝事明

年金兵由居庸關入和勒博原作回知北院即箭筈山

自立號奚國皇帝改元天復設奚漢渤海三樞密院改

東西節度使為二王分司建官時奚人巴扎原作巴輒罕嘉

努原作韓家奴等引兵擊附近契丹部落劫掠人畜羣情大

駭會和勒博原作回為郭藥師所敗一軍離心其黨耶

律阿古齊原作阿古哲與其甥伊實原作乙室巴沁原作八斤等殺之

偽立凡八月

蕭圖烈原作特烈字訛都碗約尼原作遙輦溫汗原作可汗宮分人乾

統中入直宿衛出為順義軍節度使天慶四年同知咸

州路兵馬事五年以兵敗奪節度使保大元年遷威古

特原作魏古部節度使及天祚在山西集羣牧兵圖烈原作特烈

為副統軍聞金兵將至圖烈原作特烈諭士卒以君臣之義

死戰於石輦驛金兵不戰圖烈原作特烈伺間欲攻之天祚

喜甚召嬪御諸子登高同觀將詫之金兵望日月旗知

天祚在其下以勁兵直趨奮擊無敢當者天祚遁走圖

烈原作所至招集散亡尋為中軍都統復敗於梯已山

天祚決意渡河奔夏從臣切諫不聽人情惶懼不知所

為圖烈原作陰謂耶律烏哲原作曰事勢如此億兆離

心正我輩效節之秋不早為計奈社稷何遂共劫梁王

雅里奔西北諸部偽立為帝圖烈原作自為樞密使雅

里卒欲擇可立者會耶律烏哲原作言珠拉原作才德

純備兼興宗之孫眾皆曰可遂僭立焉圖烈原作偽職

如故未三旬與珠拉原作俱為亂兵所殺

論曰遼之秉國鈞握兵柄節制諸部帳非宗室外戚不

使豈不以為帝王久長萬世之計哉及夫肆叛逆致亂

亡皆是入也有國家者可深戒矣乎

遼史卷一百十四

德陽劉子雄校字

成都方守道覆校

遼史卷一百十五

元中書右丞相總裁托克托等修

二國外紀第四十五

高麗

高麗自有國以來傳次久近人民土田歷代各有其志

然高麗與遼相為始終二百餘年自太祖皇帝神冊間

高麗遣使進寶劍天贊三年來貢太宗天顯二年來貢

會同二年受晉上尊號冊遣使往報聖宗統和三年秋

七月詔諸道各完戎器以備東征高麗八月以遼澤沮

洳罷師十年以東京留守蕭恆德伐高麗十一年王治

遣朴良柔奉表請罪詔取女直國鴨綠江東數百里地

賜之十二年入貢三月王治遣使請所俘生口詔贖還

之仍遣使撫諭十二月王治進妓樂詔卻之十三年治

遣李周楨來貢又進鷹十月遣李知白來貢十一月遣使冊治爲王遣童子十人來學本國語十四年王治表乞爲婚姻以東京留守駙馬蕭恆德女下嫁之六月遣使來問起居自是至者無時十五年韓彥敬來納聘幣帛駙馬蕭恆德妻越國公主薨十一月治薨其姪誦遣王同穎來告十二月遣使致祭詔其姪誦權知國事十六年遣使冊誦爲王二十年誦遣使賀伐宋之捷七月來貢本國地里圖二十二年以南伐事詔諭之二十三年高麗聞與宋和遣使來賀二十六年進龍鬚草席及賀中京城二十七年承天皇后崩遣使報以國哀二十八年誦遣魏守愚等來祭三月使來會葬五月高麗西京留守康肇弑其主誦擅立誦從兄詢八月聖宗自將伐高麗報宋遣引進使韓杞宣問詢奉表乞罷師

不許十一月大軍渡鴨綠江康肇拒戰於銅州敗之肇

復出右皮室詳袞

原作詳穩

耶律達魯

原作敵魯

擒肇等追奔數

十里獲所棄糧餉鎧仗銅霍貴寧等州皆降詢上表請

朝許之禁軍士俘掠以政事舍人馬保祐爲開京留守

安州團練使旺布

原作王八

爲副留守太子太師伊林

原作乙凜

將騎兵一千送保祐等赴京守將卓思正殺我使者韓

吉遜

原作喜孫

等十人領兵出拒保祐等復還伊林

原作乙凜

領

兵擊之思正遂奔西京圍之五日不克駐蹕於城西佛

寺高麗禮部郎中渤海托實

原作陶失

來降遣巴雅爾

原作排押

博諾

原作盆奴

攻開京遇敵於京西敗之詢棄城遁走遂焚

開京至清江而還二十九年正月班師所降諸城復叛

至貴德州南嶺谷大雨連日霽乃得渡馬馳疲乏甲仗

多遺棄次鴨綠江以所俘人分置諸陵廟分賜內戚大

臣開泰元年詢遣蔡忠順來乞稱臣如舊詔詢親朝八月遣田拱之奉表稱病不能朝詔復取六州之地二年耶律資忠使高麗取地未幾還三年資忠復使如前索地五月詔國舅詳袞原作詳穩蕭迪里原作敵烈東京留守耶律托實原作圖石等造浮梁於鴨綠江城保宣義定遠等州四年命北府宰相劉愼行為都統樞密使耶律世良為副殿前都點檢蕭實喇原作虛烈為都監愼行挈家邊上致緩師期追還之以世良實喇原作虛烈總兵伐高麗五年世良等與高麗戰於郭州西破之六年樞密使蕭和卓原作合卓為都統漢人行宮都部署王繼忠為副殿前都點檢蕭實喇原作虛烈為都監進討蕭和卓原作合卓攻興化軍不克師還七年詔東平郡王蕭巴雅爾原作排押為都統蕭實喇原作虛烈為副統東京留守耶律巴格原作八哥為都監復伐高麗

十二月蕭巴雅爾原作排押與戰於茶陁二河之間我軍不利天雲右皮室二軍沒溺者眾天雲軍詳袞原作詳穩海里原作遙輦帳詳袞原作詳穩阿克達原作果達客省使卓庫原作酌古渤海詳袞原作詳穩高清明等皆沒於陣八年詔數巴雅爾原作排押討高麗罪釋之加有功將校益封戰沒將校之妻錄其子弟以南皮室有功賜衣物銀絹有差出金帛賜約囉原作希里尼格原作混哥二奚軍八月遣郎君赫伯舍原作曷不呂等率諸部兵會大軍同討高麗詢遣使來乞貢方物九年資忠還以詢降表進釋詢罪太平元年詢薨遣使來報嗣位即遣使冊王欽為王九年賜欽物十一年聖宗崩遣使告哀七月使來慰奠興宗重熙七年來貢十二年三月以加上尊號來賀十三年遣使來貢三十四年三月又來貢十五年入貢八月王欽薨遣使

來告十六年來貢明年又來貢十九年復貢六月遣使來賀伐夏之捷二十二年入貢二十三年四月王徽請官其子詔加檢校太尉興宗崩道宗卽位清寧元年八月遣使報國哀以先帝遺留物賜之十一月使來會葬二年三年皆來貢四年春遣使報太皇太后哀五月使來會葬咸雍七年八年來貢十二月以佛經一藏賜徽九年十年來貢太康二年三月皇太后崩遣使報哀六月使來弔祭四年王徽乞賜鴨綠江以東地不許九年八月王徽薨以徽子三韓國公勳權知國事十二月勳薨大安元年冊勳子運爲國王二年遣使來謝封冊三年來貢四年三月免歲貢五年六年連貢九年賜王運羊十年運薨子昱遣使來告卽賻贈壽隆元年來貢十一月王昱病命其子顒權知國事二年來貢三年三月

王昱薨五年王顒乞封冊六年封顒爲三韓國公七年道宗崩天祚卽位改爲乾統元年報道宗哀使來慰奠十二月遣使來賀五年三韓國公顒薨子僕遣使來告八年封僕爲三韓國公贈其父顒爲國王十二月遣使來謝九年來貢天慶二年王顒母薨哀告遣使致祭起復三年遣使來謝致祭又來謝起復十年乞兵於高麗以禦金而金人責之至是遼國亡矣

西夏

西夏本魏拓跋氏後其地則赫連國也遠祖思恭唐季受賜姓曰李涉五代至宋世有其地至李繼遷始大據夏銀綏宥靜五州緣境七鎮其東西二十五驛南北十餘驛子德明曉佛書通法律嘗觀太一金鑑訣野戰歌製番書十二卷又製字若符篆其俗衣白窄衫氍冠冠

後垂紅結綬自號威明原作設官分文武其冠用金縷
貼間起雲銀紙帖緋衣金塗銀帶佩蹠躡解錐短刀弓
矢穿靴禿髮耳重環紫旋襪六囊出入乘馬張青蓋以
二旗前引從者百餘騎民庶衣青綠革樂之五音爲一
音裁禮之九拜爲三拜凡出兵先卜有四一灸勃焦以
艾灼羊脾骨二擗算擗竹於地以求數若揲著然三呪
羊其夜牽羊焚香禱之又焚穀火於野次晨屠羊腸胃
通則吉羊心有血則敗四矢擊絃聽其聲知勝負及敵
至之期病者不用醫藥召巫者送鬼西夏語以巫爲斯
原作也或遷他室謂之閃病喜報仇有喪則不伐人負
甲葉於背識之仇解用雞豬犬血和酒貯於髑髏中飲
之乃誓曰若復報仇穀麥不收男女禿癩六畜死蛇入
帳有力小不能復仇者集壯婦享以牛羊酒食趨仇家

縱火焚其廬舍俗曰敵女兵不祥輒避去訴於官官擇
舌辨氣直之人爲和斷官聽其屈直殺人者納命價錢
百二十千土產大麥葦豆青稞床子古子蔓鹹地蓬寶
菘蓉苗小蕪蕘席雞草子地黃葉登廂草沙葱野韭拒
灰蔕白蒿鹹地松實民年十五爲丁有二丁者取一爲
正軍負擔雜使一人爲抄四丁爲兩抄餘人得射它丁
皆習戰鬪正軍馬馳各一每家自置一帳團練使上帳
弓矢各一馬五百橐駝一旗鼓五槍劍棍梃梃抄袋雨氊
渾脫鍬鑿箭牌鐵箠箭各一刺史以下人各一馳箭三
百毛幕一餘兵三人共一幕有礮手二百人號伯奇原作
喜勇健者號撞令郎齋糧不過一旬晝則舉烟揚塵夜
則燔火爲候若獲人馬射之號曰殺鬼招魂或射草縛
人出軍用單日避晦日多立虛寨設伏兵衣重甲乘善

馬以鐵騎爲前鋒用鈎索絞聯雖死馬上不落其民俗
勇悍衣冠騎乘土產品物子姓傳國亦略知其大槩耳
初西夏臣宋有年賜姓曰趙迨遼聖宗統和四年繼遷
叛宋始來附遼授特進檢校太師都督夏州諸軍事遂
復姓李十月遣使來貢六年入貢七年來貢以王子帳
耶律襄之女封義成公主下嫁繼遷八年正月來謝三
月又來貢九月繼遷遣使獻宋俘十月以敗宋軍來告
十二月下宋麟鄜等州來告遣使封繼遷爲夏國王九
年二月遣使告伐宋之捷四月遣李知白來謝封冊七
月復銀綏二州來告十月繼遷以宋所授勅命遣使來
上是月定難軍節度使李繼捧來附授開府儀同三司
檢校太師兼侍中封西平王仍賜推忠効順啟聖定難
功臣十二月繼遷潛附於宋遣韓德威持詔諭之十年

二月韓德威還奏繼遷託故不出至靈州俘掠以還西
夏遣使來奏德威俘掠賜詔撫諭十月來貢十二年入
貢十三年敗宋師遣使來告十四年又來貢十五年三
月以破宋兵來告封繼遷爲西平王六月遣使來謝封
冊十六年來貢十八年授繼遷子德明朔方軍節度使
十九年遣李文冀來貢六月奏下宋恆環慶三州賜詔
褒美二十年遣使來進馬駝六月遣劉仁勛來告下靈
州二十一年繼遷薨其子德昭遣使來告六月贈繼遷
尚書令遣西上閤門使丁振弔慰八月德昭遣使來謝
弔贈二十二年三月德昭遣使上繼遷遺留物七月封
德昭爲西平王十月遣使來謝封冊二十三年下宋青
城來告二十五年德昭母薨遣使弔祭起復二十七年
承天皇后崩遣使報哀於夏二十八年遣使冊德昭

爲夏國王開泰元年德昭遣使進良馬二年遣引進使
李延宏賜夏國王李德昭及義成公主車馬太平元年
來貢十一年聖宗崩報哀於夏德昭遣使來進賻幣興
宗卽位以興平公主下嫁李元昊以元昊爲駙馬都尉
重熙元年夏國遣使來賀李德昭薨冊其子夏國公元
昊爲王二年來貢十二月禁夏國使沿路私市金鐵七
年來貢李元昊與興平公主不諧公主薨遣北院承旨
耶律庶成持詔問之九年宋遣郭禎以伐夏來報十年
夏國獻所俘宋將及生口十一年遣使問宋興師伐夏
之由十二月禁託歡原作吐渾鬻馬於夏沿邊築障塞以防
之十二年正月遣樞密都承旨王惟吉諭夏國與宋和
二月元昊以加上尊號遣使來賀耶律迪里原作敵烈等使
夏國還奏元昊罷兵遣使報宋四月夏國遣使進馬駝

七月元昊上表請伐宋不從十月夏人侵党項遣延昌
宮使高嘉努原作高家奴讓之十三年四月党項及山西節
節度使屈烈以五部叛入西夏詔徵諸道兵討之六月
準布原作阻卜子烏巴原作烏八執元昊八月夏使對不以情羈
之使復來詢事宜不實對答之十月元昊上表請罪欲
收集叛黨以獻從之進方物命北院樞密副使蕭格原作
革迓之元昊親率党項三部來降詰其納叛背盟元昊
伏罪初夏人執蕭呼都克原作胡覲至是請以被執者來歸
詔所留夏使亦還其國十二月呼都克原作胡覲來歸又遣
使來貢十七年元昊薨其子諒祚遣使來告上其父遺
留物圖伯特原作鐵國乞以本部軍助攻夏國不許十
八年復議伐夏留其賀正使不遣遣北院樞密副使蕭
惟信以伐夏告宋六月夏國遣使來貢留之七月親征

八月渡河夏人遁九月蕭惠為夏人所敗十月招討使
耶律達嚕噶原作敵古率準布原作阻卜軍至賀蘭山獲元昊妻
及官屬遇其軍三千來拒殪之詳衮原作詳穩蕭慈實努原作慈氏
南剋耶律幹里歿於陣十九年正月遣使問罪於
夏夏將旺布原作汪普等攻金肅城耶律高嘉努原作高家奴
破之旺布原作汪普被創遁去殺威赫原作猥貨伊特凌結原作乙靈
紀三月殿前都點檢蕭塔喇台原作迭里得與夏軍戰於三
角川敗之招討使蕭博諾原作蕭奴北院大王伊遜原作宜新等
帥師伐夏都部署布古德原作古德為監戰五月蕭博諾
蒲奴等入夏境不遇敵縱軍俘掠而還夏國旺布原作汪普
來降十月李諒祚母遣使乞依舊稱臣十二月諒祚上
表如母訓二十年二月遣使索党項叛戶五月蕭約噶
原作交括使夏回進諒祚母表乞代党項權進馬駝牛羊等

物又求唐隆鎮仍乞罷所建城邑以詔答之六月獲元
昊妻及俘到夏人置於蘇州二十一年七月諒祚遣使
乞弛邊備遣約噶原作交括賁詔諭之二十二年七月諒祚
進降表遣林牙高嘉努原作高家奴賁詔撫諭二十三年正
月貢方物五月乞進馬駝詔歲貢之七月諒祚遣使求
婚十月進誓表興宗崩遣使報哀於夏二十四年道宗
即位清寧元年遣使來賀九月以先帝遺物賜夏四年
四月遣使會葬九年正月禁民鬻銅於夏咸雍元年五
月來貢三年十一月遣使進回鶻僧金佛梵覺經十二
月諒祚薨四年二月諒祚子秉常遣使報哀即遣使弔
祭秉常上其父遺物十月冊秉常為夏國王十二月來
貢五年七月遣使來謝封冊十一月秉常乞賜印綬九
年遣使來貢太康二年正月仁懿皇后崩遣使報哀於

夏以皇太后遺物賜之遣使來弔祭五年來貢八年二月遣使以所獲宋將張天益來獻大安元年十月秉常遣使報其母哀二年十月秉常薨遣使詔其子乾順知國事十二月李乾順遣使上其父秉常遺物四年七月冊乾順爲夏國王五年六月遣使來謝封冊八年六月夏爲宋所侵遣使乞援壽隆三年六月以宋人置壁壘於要地遣使來告四年六月求援十一月遣樞密直學士耶律儼使宋諷與夏和夏復遣使求援五年正月乾順伐布木喇實原作拔母來思等部十一月夏以宋人罷兵遣使來謝六年十一月遣使請尙公主七年道宗崩遣使告哀於夏遣使來慰奠天祚卽位乾統元年夏遣使來賀二年復請尙公主又以爲宋所侵遣李造福田若水來求援三年復遣使請尙公主十月使復來求援四年

五年李造福等至乞援以族女南仙封成安公主下嫁乾順六年正月遣牛温舒使宋令歸所侵夏地六月遣李造福來謝八年乾順以成安公主生子遣使來告九年以宋不歸地來告十年遣李造福等來貢天慶三年六月來貢保大二年天祚播遷乾順率兵來援爲金師所敗三年乾順請臨其國六月遣使冊乾順爲夏國皇帝而天祚被執歸金矣

論曰高麗西夏之事遼雖嘗請昏下嫁烏足以得其固志哉三韓接壤反覆易知涼州負遠納叛侵疆乘隙輒動貢使方往事釁隨生興師問罪屢煩親征取勝固多敗亦貽悔昔吳趙咨對魏之言曰大國有征伐之兵小國有備禦之固豈其然乎先王柔遠以德而不以力尙矣遼亡求援二國雖能出師豈金敵哉

遼史卷一百十五

遼史卷一百十五

德陽劉子雄校字
成都方守道覆校

48-11293

